

山西志輯要

太原府之部

卷之一

ル 5

1544

1





序

志與史相為表裏分之則為郡邑之
志合之則為邦國之史體裁不可不
慎晉省被山帶河拱

神京之右翼唐風魏俗古帝之遺蟋蟀
著其深思葛屨又譏褊急補偏救弊
斯在牧人者乎余奉

序文

一



命撫晉涖事以來凡民生之休戚吏治之
能否習俗之好惡畛域之險夷廣諮
博考日夜淬勵以祈上副

聖天子簡畀巖疆之至意非周知文獻則
何以舉措合宜既披圖籍而郡邑之
志詳略不一前撫軍石公編纂通志
庶幾彙三晉之全而卷帙浩繁尚非

便覽於是刪繁就簡釐為十卷較統
志則加詳視通志則加擇名為山西
志輯要名山巨浸古鎮雄邊見虞夏
之流風備異并之俠烈至於戶口繁
昌人文蔚起尤足以仰見我

皇上久道化成之盛焉覽是編者斯之酌
之嘉其儉而進之以退讓與其勤而

澤之以仁義大小勵翼蒸、佐化志
之要即治之要矣

乾隆四十五年歲次庚子清和月上
澣撫晉使者長白雅德撰并書



序

志書之作所以紀疆域物土人民風俗
之要以待司牧者之斟酌而調劑之非
徒以資博覽也山西舊有省志書以數
尺計 雅大中丞奉

使撫

晉之明年春取而芟節之且畀其任於
絳州別駕汪君書既成名之曰山西志

輯要余惟山西古冀州地攷禹貢周禮
職方所載今不殊昔也而河東自魏晉
以降文學盛興并州近扼塞垣俗稱尚
武况當我

國家重熙累洽涵煦百數十年苟或詳其
所不必詳則必畧其所不可畧繁冗寡
當奚有取焉汪君為余同年友秉 中

承之命能使數尺之書約為一握而甄
總隲括全晉瞭然手是編者其將鈔唐
魏之風而進其勤儉以仰副

聖天子久道化成之盛當即 大中丞孜孜
編纂之深心如徒以其便于觀覽而珍
之也則猶非是書之旨矣乾隆庚子夏
四月三晉學使者三韓百齡撰



山西志輯要凡例

一凡志之作本周禮職方小史太史所掌所以傳信是編謹遵

大清一統志並叅省志以輯其要

一山西為古冀州地唐虞以來帝德王功具載世紀茲不復臚陳

一山西通志編各類分頗煩檢閱茲以府州縣分編庶幾一覽可得

一全省暨各府直隸州繪圖二十弁於卷首席形

勝所在瞭如指掌

一首列省志備載分野沿革疆域職官戶口田賦
官蹟以昭一省梗概餘見府州縣志中

一各府志與省志畧同惟不載職官戶口而增入
風俗城池學校人物列女諸門

一府風尚相似故風俗一門但載府志

一人物列女秦漢以前無從考核者悉仍通志統
載於府如人與地確有依据仍分列各州縣

一各直隸州志照府志增風俗一門餘與州縣同

一各府首縣城池已入府志各州縣關隘津梁并
爲一門驛站附後

一山西五臺山屢邀

聖祖仁皇帝巡幸暨我

皇上翠華臨涖凡各名勝寵被

標題是編敬謹備錄以誌名山之幸

一祠廟陵墓俱係前賢遺蹟併爲一門寺觀附

一寓賢仙釋物產有者錄之無則寧從其闕

一前人著述大抵家有其書故不志藝文

山西通志卷首
一歸化城雖在朔平口外而設官分職統隸晉省
是編謹遵

大清一統志載其大畧於朔平府後

山西通志輯要卷首

晉省全圖

山西通志輯要

卷首 繪圖


山西志輯要卷首



會城全圖

山西志輯要

卷首

繪圖





太原縣界明屯村

西

列石汾河源頭

北

山西志輯要卷首

山西志輯要卷首

省志

分野天文昴畢及觜觶參分野大梁實沈之次

沿革古冀州之域虞分置并州夏商仍為冀周隸

并州成王封叔虞為唐國子燮父更號晉戰國屬

趙兼屬韓魏秦置太原上黨河東雲中雁門代郡

漢因之建安中為冀州三國魏復置并州晉因之


永興後入於劉石北魏仍置并州北齊於并州置

省周平齊置并州總管府隋開皇二年罷總管置

山西志輯要

卷首

省志



河北道行臺大業三年改諸州爲郡屬冀州刺史
唐武德元年改郡爲州置并州總管府天寶後分
置河東河中澤潞三節度使五代周廣順初劉崇
據太原是爲北漢宋平北漢仍爲河東路其雲州
屬遼宣和四年來歸號雲中府路七年兩路俱入
於金爲河東西京兩路天會中又分河東爲南北
路元置河東山西道宣慰使司及肅政廉訪司統
屬中書省明洪武元年置山西行中書省於太原
九年改爲山西等處承宣布政使司

國朝因之領府五州三雍正二年以舊隸太原府平
定忻代保德四州舊隸平陽府蒲解絳吉隰五州
俱升爲直隸州置朔平寧武二府六年升蒲澤二
州俱爲府乾隆三十七年以舊隸平陽府霍州升
爲直隸州以吉州改隸平陽府今領府九州十

太原府	平陽府	潞安府	汾州府	大同
朔平府	寧武府	澤州府	蒲州府	
遼州	沁州	平定州	忻州	代州
保德				
州	解州	絳州	霍州	隰州

山西通志 卷首
疆域東西廣八百八十里南北袤一千六百十五里東至直隸井陘縣界三百七十五里西至陝西吳堡縣界五百五里南至河南陝州界一千二十里北至殺虎口外長城七百六十里其形勢則東據太行南通懷孟西薄於河北邊大青山京西南一千二百里

文職官

巡撫部院

提督學院

巡撫兼理鹽政

布政使 經歷 照磨 豐贍庫大使

按察使 經歷 司獄

鹽運使 運同 經歷 知事 教授 訓導

豐濟庫大使 鹽場大使三員 中場東場西場

冀寧道 管轄太汾潞澤遼沁平七府州駐太原

河東道 管轄平蒲解絳霍隰六府州駐蒲州府

雁平道 管轄大朔寧忻代保六府州駐代州

歸綏道 總理旗民蒙古事務駐歸化城

山西通志 卷首 巡撫衙門筆帖式二員

太原府知府 同知 通判 教授 訓導 經歷 司獄 大盈倉大使 知州 學正 吏

目 知縣十員 陽曲太原榆次祁太谷交城文水徐溝嵐興 教諭九

員 陽曲太原榆次祁太谷交城文水徐溝嵐興 訓導八員 陽曲太原榆

徐溝 縣丞 主簿 太谷范 典史十員 巡檢三

員 石嶺關清源 驛丞 成晉驛石嶺

平陽府知府 同知 通判 教授 訓導 經歷 知州 學正 吏目 知縣十員 臨汾襄陵洪洞

浮山太平岳陽曲沃翼城汾西鄉寧 教諭七員 臨汾襄陵洪洞浮

訓導九員 陽曲沃翼城汾西鄉寧 典史十員

驛丞 史村

潞安府知府 同知 教授 訓導 經歷兼管

永豐倉事 知縣七員 長治長子屯留襄垣潞城黎城壺關 教諭

六員 長治長子屯留襄垣黎城壺關 訓導七員 長治長子屯留襄垣潞城平順

縣丞二員 長治 典史七員 巡檢二員 石

里虹

汾州府知府 同知 駐張 通判 教授 訓導

經歷 知州 永學正 訓導 吏目 知縣 七

員 汾陽平遙介休孝義臨石樓寧鄉 教諭 五員 汾陽平遙介休孝義臨 訓

導 七員 典史 七員 巡檢 三員 冀村柳林鎮方山堡

大同府知府 同知 駐豐鎮 通判 駐陽高 教授 訓導

經歷兼管銀億庫事 知州 二員 應渾源 學正 二

員 訓導 二員 吏目 二員 知縣 七員 大同懷仁

山陰靈邱廣靈陽高天鎮 教諭 大 訓導 七員 縣丞 大 司獄

豐鎮 典史 七員 巡檢 五員 張阜兒大庄科王家庄安東岱

朔平府知府 同知 通判 駐寧遠 司獄 廳 教授

訓導 經歷管常豐倉事 知州 朔 學正

訓導 吏目 知縣 四員 右玉馬邑左雲平魯 教諭 右 訓

導 四員 典史 四員 巡檢 五員 殺虎口威遠堡助馬口寧

遠崑都崙

歸化城同知 巡檢

綏遠城同知 盈寧庫大使

和林格爾通判 巡檢 二員 和林格爾畢齊克齊

薩拉齊通判 巡檢

清水河通判 巡檢

托克托城通判 巡檢

寧武府知府 同知駐偏關 教授 訓導 經歷

知縣四員寧武偏關 教諭寧武 訓導三員偏關神池五寨

典史四員 巡檢二員寧化所老營堡

澤州府知府 同知駐東冶鎮 教授 經歷 知縣五

員鳳臺高平陽 教諭五員 訓導四員鳳臺高平陽城陵川沁水

水 典史五員 巡檢端氏 驛丞管巡檢事星軹

蒲州府知府 同知駐永樂鎮 教授 經歷 知縣六

員永濟臨晉虞鄉 教諭五員永濟臨晉猗氏萬泉榮河 訓導

四員永濟虞鄉 縣丞永濟 典史六員 巡檢角杯村

直隸遼州知州 學正 訓導 吏目 知縣二

員和順榆社 教諭和順 典史二員 巡檢二員

十八盤八賦嶺

直隸沁州知州 學正 吏目 知縣二員沁源武鄉

教諭武鄉 訓導沁源 典史二員

直隸平定州知州 州判 學正 訓導 吏目

知縣三員樂平孟壽陽 教諭三員 訓導二員孟壽陽

典史三員 驛丞管巡檢事四員甘桃鋪栢井驛芹泉

驛太
安驛

直隸忻州知州 學正 訓導 吏目 知縣二

員定襄 靜樂教諭定襄訓導二員 典史二員 巡檢

原

直隸代州知州 州判 學正 訓導 吏目

知縣三員五臺 繁峙教諭三員 訓導三員 典

史三員 巡檢三員廣武 懷鎮 平刑

直隸保德州知州 學正 吏目 知縣一員河

訓導 典史 巡檢河

直隸解州知州 州判駐運 學正 訓導 吏目

知縣四員安邑 夏平 陸芮城 教諭四員 訓導四員

典史四員 巡檢五員鹽池 長樂 聖惠 鎮

直隸絳州知州 州判 學正 訓導 吏目

知縣五員稷山 河津 閩 喜絳 垣曲 教諭五員 訓導五員

典史五員 巡檢禹門

直隸霍州知州 學正 訓導 吏目 知縣二

員趙城 靈石教諭一員 訓導二員 典史二員

巡檢仁義

直隸隰州知州 學正 吏目 知縣三員 大寧 蒲永

和訓導三員 典史三員 巡檢 廣武 莊

武職官

巡撫兼管提督

鎮守綏遠城將軍 鎮守察哈爾都統 副都統

鎮守歸化城副都統

城守尉 駐太原 原府 筆帖式二員 滿洲防禦二員 蒙

古防禦二員 驍騎校四員

撫標中軍叅將兼管左營事 守備 千總二員

把總四員

撫標右營遊擊 守備 千總二員 把總四員

鎮守太原總兵官 駐平陽府 中軍遊擊兼管左營事

守備 千總二員 把總四員 右營都司

守備 千總二員 把總四員 蒲州協副將

中軍都司 千總 把總四員 駐航 子村 運城

營都司 太原營叅將 中軍守備 千總三

員 把總四員 駐交城 駐代州 平陽營叅將 中軍

守備 千總 把總三員 靖安營都司 千

總 把總 隰州營都司 千總 把總三員

一駐永和縣 吉州營都司 千總二員 一駐冷泉關

把總四員 一駐大寧縣 一駐黑龍關 一駐西塢嶺 潞澤營叅將 駐潞

安府 中軍守備 把總三員 一駐東塢嶺 澤州營都司

千總二員 把總 駐欄車 孟壽營遊擊 中軍守

備 千總 把總四員 一駐樂平營 汾州營叅將

中軍守備 把總二員 石樓營都司 把總

二員 沁州營千總 遼州營千總 權店營

千總 和順營千總 平垣營遊擊 中軍守

備 千總 把總二員

鎮守大同掛印總兵官 駐大府 中軍中營遊擊 中

軍守備 千總二員 把總四員 左營遊擊

中軍守備 千總二員 把總四員 右營

遊擊 中軍守備 千總二員 把總四員

前營都司 中軍守備 千總二員 把總四

員 殺虎口協副將 中軍左營都司 千總

把總二員 右營守備 千總 把總二員

新平路叅將 中軍守備 千總三員 一駐瓦窰口

員一駐 北樓營參將駐繁 中軍守備駐北

樓口千總二員一駐金剛庫 把總四員一駐茹越口一駐實村鎮一駐

多爾濟 豐川營守備 平刑關都司 把總駐懷鎮

偏關營參將 中軍守備 千總 把總三員

一駐沁昌營一駐老牛灣堡 樺林堡都司 中軍千總 鎮

西城都司 千總駐興縣 把總三員一駐五寨縣一駐三岔堡

老營營參將 千總三員一駐會堡 把總三員一駐

乃河營一駐馬站一駐五眼井堡 河保營參將 中軍守備

千總二員 把總七員一駐焦尾城一駐河曲一駐樓子營一駐唐

家會一駐河會營 保德營都司 中軍千總 把總

水泉營守備 千總 把總三員一駐草梁山一駐滑石澗

戶口原額人丁一百七十五萬八千三百九十九

屯丁四千三百八十三更名衛丁六百二十五隨

侍丁八百七十三經制軍三百五十六又滋生人

丁三萬五千二百五十九

田賦原額四十九萬五千九百三十四頃零 共

徵銀二百四十二萬五千五百四十一兩六錢零

共行差人一百七十六萬三千六百二十二丁共徵

均徭銀六十六萬四千一百一兩五錢零 額徵
本色糧八萬一千九百七石一斗四升 雜稅等
銀六萬二千九百二十五兩八錢 稅課司銀五
千四百九十一兩三錢零 織造綾絹工費銀八
百八兩七錢零

宦蹟漢郭伋 茂陵人王莽時為并州牧建武中盧
西河有兒童數百各騎竹馬道次迎拜問使君何
日當還伋計日告之比還先期一日伋為違信遂
止野亭須期乃入伋知盧考周舉 汝陽人順帝時
風賊難以力制卒以計平之周舉 為并州刺史太
原舊俗以介之推焚骸至其亡日輒一月不舉火
多死者舉作書弔之推宣示愚民使還溫食於是

眾惑趙岐 京兆長陵人延熹九年魏梁習 陳郡柘
稍解別部司馬領并州刺史有守邊策張雄跋扈吏民更
相扇動習誘諭招納禮用豪右恩威並行諸部曲
服事供職同於編戶勸農桑顯岩穴在晉劉琨 中
州二十餘年居處貧窮無方面珍物魏昌人永嘉初為并州刺史時并土饑荒百姓無
復人色現剪除荆棘收葬枯骸造府朝建市獄寇
盜蹂躪百姓負楯以耕屬鞬而壽琨撫隋李雄 邑
循勞來甚得物情在官未期流人稍復臺兵部尚書
人晉王廣出鎮并州以雄為河北行臺兵部尚書
居官正直侃然有不可犯之色王甚敬憚吏民稱
焉辛公義 狄道人開皇中為并州刺史下車先至
方還受訟不立文案訊問不獄囚十餘日斷決殆盡
廳事嘗曰刺史無德豈有合百姓繫於囹圄而心
自安唐李靖 京兆三原人武德中太原寇警靖為
乎安唐李靖 京兆三原人武德中太原寇警靖為

山西志異 卷首 省志 三

諸將多敗獨張循憲則天時以御史為河東採訪

靖以完軍歸張循憲使得倚氏張嘉貞為客咨以

讓后乃拜嘉貞監察御史而擢循憲司勳郎中

郭子儀華州鄭縣人廣德三年河中軍殺其帥李

乃以子儀為朔方河中北庭等州節度行營兼副

元帥屯絳州擒首亂王元貞等數十人誅之太原

辛雲京聞之亦誅害景山者尋罷副元帥後以僕

固懷恩掠汾并諸邑仍命鎮河中懷恩子場為帳

下張惟岳所殺率其李光弼營州柳城人天寶中

眾來歸懷恩走靈州馬燧汝州郟城人河東節度

山趙郡敗安慶緒史使時兵力單弱燧募得

數千人教之戰數月悉成精兵與軍裴誦聞喜人

為河東租庸鹽鐵使時關輔旱入見帝問權酷歲

出納幾何請久不對帝詰之謂曰臣自河東來涉

三百里農人愁嘆穀粟未種誠謂陛下宜先柳公

訪疾苦故未敢對帝曰微公言朕不聞此

綽解人家華原太和四年為河東節度使遭歲歉

意沙陀感恩為宋宋搏萊州掖人真宗初為河東

之悉力保障宋宋搏萊州掖人真宗初為河東

盈積可備諸州軍數十年鼓鑄願權罷採紵民又

請料諸州丁壯為兵以增戎備又經制漕運以幹

治文彥博介休人為河東轉運副使鄜州餉道回

父洎為轉運使日將復之未及而卒彥博嗣成包

父志益儲粟元昊來寇圍城十日知有備解去

拯合肥人為河東轉運使耿介自持范仲淹吳縣

聖中通判河中府慶曆中為河東陝西宣撫使汾

歐陽修

廬陵人仁宗時奉使河東言忻代州岢嵐多禁地
廢田願台民得耕之久乃行歲得粟數百萬斛
任頴青州壽光人仁宗時為河東轉運使每行部
嘗以胥吏自**趙滋**開封人管勾河東經畧司公事
隨人安其政**趙滋**建言代州寧化軍有地萬餘頃
皆肥美可募人田作教戰**程師孟**吳人提點河東
射為堡砦百姓獲利無算**劉庠**彭城人熙寧初為河東轉運
錢開渠築堰溉**劉庠**使計一路之產鐵利為饒請
復舊治鼓鑄通隰州鹽禁博易以濟**金范承吉**天
用又請募民入粟塞下預為足食
六年河東北路轉運使時承宋弊民賦繁重承吉
為經畫立法簡便所入增數十萬斛官既足而民
有**張亨**大興人章宗初置九路提刑司時方重其
餘**張亨**選上以亨為河東南北路提刑使兼勸農
採訪事訪其利病**烏古論仲温**猛安人貞祐初遷
條為十三事以聞

太原移書安撫使賈益謙約以鄉兵救中都因馳
驛如平陽仲温嘗治平陽吏民爭留之仲温曰平
陽易守於私計得矣如嵐州何遂**完顏從坦**宗室
還鎮已而元兵大至城破不屈死
祐中充宣差都提控安撫山西上書言絳解二州
皆恃鹽布易米乞罷大陽渡粟麥過河禁又中條
以南為陝洛襟喉乞加兵分戍平陸產銀鐵募工
煉冶可以廣財用備戎器尚書省議惟許放大陽
等渡與定二年元兵破平陽從坦自殺**元忽蘭**太
時參知政事知平陽府事李革亦戰死
時為山西大達魯花赤西方多盜郡縣捕不得計
所失值倍償有甄軍判者率羣盜往來阜平曲陽
間殺人而奪之財忽蘭曰此大盜也縣豈能
制哉遣千人捕甄殺之勦其餘黨害乃除**張德**
輝交城人世祖初為河東南北路宣撫使下車擊
六十年不復見此太平
官府矣戴之如神明
程思廉家東勝州成宗初
除河東山西廉訪

山西志序
卷之四
四

山西通志 卷首
使太原歲餉諸王駢馬萬四千餘匹思廉請止餉
千匹平陽諸郡歲輸租稅北方民甚苦之思廉請
輸河東近倉舊法決事有議劄權歸曹明龍鐔江
使思廉自判贖尾某富某罪吏皆束手明龍鐔西
人洪武中晉府長史建文時靖難師起朝廷徵兵
於晉鐔以大義力主發兵靖難後詔械鐔至不屈
死鄭辰浙江西安人永樂中盜起有司以叛聞辰方朝
京師奏曰民苦徭役耳非叛也還時張政廣德人
親入山谷撫諭盜皆感泣復為良民張政宣德初
以御史巡按山西時諸郡逋租至二百餘萬石政
請隨土產折納民稱便斥貪除暴以治行最就擢
山西按察使于謙錢塘人宣德中遷兵部右侍郎
風紀益振于謙巡撫河南山西至官編歷諸州
縣察所宜興革一歲章數上英宗立疏請以兩省
積穀每歲支給缺食下戶秋成償官而免其貧老
者以太同懸塞外請別設御史治之變徐永達歸
鎮將之役卒私墾者為官屯邊用亦足

山西通志 卷首
人宣德中為山西按察使巡按御史非法用刑劾
罷之日蔬食再餐妻家居紡績以供其衣卒不能
具棺巡撫于謙何喬新江西廣昌人成化中為右
解金帶以賄敵惠民後山西大饑復以刑部侍郎往
賑活三十餘萬人還流民十四萬戶胡謐會稽人
化中提督山西學政論諸生文高楊一清巴陵人
下悉當山右故無志自謐創之楊一清成化間
任山西提學僉事人才高下甄別不朱裳正德初
爽表節義禁浮華士人翕然宗之朱裳正德初
以御史巡鹽河東幸臣錢寧遣人牟鹽利裳禁之
有資緣奏乞鹽引者事下戶部尚書石玠曰汝無
庸朱御史戴賢鄞人正德中為山西按察使振飭
不汝聽也戴賢憲典官僚憚之有聞賢殺人匿宗
室家吏不敢問賢即收捕付獄有知縣受賄殺宗
人巡按御史知其與權貴連結釋之賢為正法孫
繼魯雲南右衛人嘉靖中為山西參政數繩宗藩
暨遷按察使宗藩百餘人擁馬發其裝見敵

山西通志 卷首 古

衣外無長物乃載酒謝過後撫山西益有聲為怨
家所構死宗藩有上書訟其冤者即前奪視其裝
也郭三商法使自供役遠近稱便敵騎入塞斗傳
論居民令悉避入城而躬自登陣守陳瑞福建長
禦敵解去遇旱請於兩臺人給以粟陳瑞樂人嘉
靖間任山西督學道敵入塞時撫軍以防秋駐寧
武藩臬相繼出疆瑞與驛傳道郭斗居守懸賞格
募士咸出死力敵不敢前引去瑞以文學趙時春
臣任城守貴論者以為難今祀三功祠中趙時春
平涼人嘉靖中巡撫山西提督雁門諸關督兵禦
敵率以身先斥貪墨絕饋遺宗藩貴官相戒莫敢
犯楊魏海豐人隆慶初巡撫山西所部驛遞銀歲
法楊魏徵五十四萬魏請減四之一修築沿城邊
堡千餘里檄散大盜李李國士毫人由進士歷山
九經黨族乞養母去李國士西布政使釐正積
弊嘗自謂未曾枉一事魏永貞南樂人巡撫山西
私一錢卒以抗直罷官魏永貞裁幕府歲供及州

縣冗費以其銀數萬繕亭障建烽墩置器市馬易
粟雁門平定軍以通屯糧竄徒奏除其租招令復
業會詔中官張忠採礦山西抗疏極諫張忠杖死
太平典史武三傑朝使者逼殺建雄驛丞李逢春
又抗疏暴其罪皆呂坤寧陵人任山西巡撫正已
不報遂乞養親歸呂坤寧率屬嘗歷三關見將校無
知兵器者嚴行訓練又立保甲法籍丁壯令各習
戎器而拔其尤者為長由是列城皆有武備蔡
懋德崑山人崇禎中巡撫山西數平盜亂十六年
與賊隣恃黃河為限竊冬水合賊騎長驅懋德以
疲卒三千當強寇日奔走平陽汾州間屢挫之會
晉王趣懋德還守太原越三日賊即渡河陷平陽
李自成遣使招降懋德斬之太原陷與中軍副總
兵應時盛至三立祠同縊死晉人祀三立祠時山
西布政使趙建極奠寧道畢拱辰山西兵備道副
使毛文炳皆以蘭剛中陵縣人崇禎時為山西副
不屈為賊所殺蘭剛中使甫蒞任流賊入城被執

說之降大罵曰豈有蘭坦生屈膝求活者乎賊殺之首既墮復躍起丈餘賊皆辟易周遇吉
錦州衛人崇禎十五年以左都督為山西總兵官
李自成陷全陝將犯山西遇吉以沿河千餘里賊
處處可渡分兵扼其上流以下流蒲坂屬之巡撫
蔡懋德及太原陷賊遂破忻圍代遇吉憑城固守
出奇兵殺賊無算會食盡援絕退保寧武賊踵至
城陷遇吉巷戰馬蹶身被矢如蝟竟為賊執大罵
不屈賊叢射殺之

國朝馬柱國

遼東人順治元年巡撫山西時流寇據
太原城遺黎畧無生意柱國至一鼓破
之搜餘孽殆盡安集撫循民稍復業時客兵亟往
返供億苦繁柱國悉心措置里閭若不知有兵者
黃徽孕福建晉江人順治初巡按山西時三晉初
俾復業先是闖逆據晉徵賦已過半賊平徽孕疏
請凡偽官嘗徵者胥豁之民有死義者上其狀又

疏陳四事曰薦遣佚立師儒禁
告許復站銀疏入次第舉行焉**申朝紀**遼東人順
撫山西下車糾劾墨吏十餘人羣僚肅然站銀舊
額十五萬明季裁充餉驛費仍派之里甲至二十
餘萬朝紀請復其舊驛馬官牧

無得累民勒石郡邑晉民德之**孫茂蘭**遼陽左衛
年任山西布政使時駐防兵圍民地胥以廢藩土
田給之而屯丁多抗不予租茂蘭繩以法民始得
安**祝世昌**遼東人順治六年巡撫山西時大同降

業**祝世昌**將姜瓖叛世昌力請發兵殄滅辦餉數
十萬民不病擾事平疏請豁賦七百**劉澤溥**廣寧
萬石裕十萬餘丁卒於官百姓巷哭

治問任分巡冀南道姜逆之亂其黨沈遙應蜂擁
太行山中澤溥死之贈光祿寺卿祀忠烈祠

李因之山東長山人順治五年河東鹽運副使清
圖知事王存鏊守運城城破皆不屈死時稱三烈
因之贈布政使參議宏圖布政司參政存鏊布

政司照磨同	劉宏遇	遼東人順治七年巡撫山西
祀忠烈祠	劉宏遇	時姜逆初平村聚多蹂躪
賦巨萬疏請得豁免又恤諸死事家建忠烈祠祀		
之王辰饑遣使散賑全活甚衆築堤以障汾流民		
懷其	王庭	嘉興人順治十六年任山西右布政以
德	王庭	廉潔倡屬吏慎出納吏不得上下其手
郡邑肅然及去	穆臣	滿洲人康熙十五年任山西
閭巷歌思不輟	穆臣	按察使持法平允給銀米於
獄必親詣	劉元勳	咸陽人康熙間任山西糧驛道
按名以給	劉元勳	以養馬費有正供而晉皆民養
嚴禁之委賑大同無漏無冒駐		
節地有槐一章民號為劉公槐		

山西志輯要卷一

太原府治圖

山西志輯要卷一 繪圖



山西志輯要卷一

太原府

分野天文昴畢分野大梁之次

沿革周初為唐國後曰晉戰國屬趙秦置太原郡
 漢因之晉為太原國北魏仍為郡隋開皇中置河
 北道大業初復太原郡唐開元中改太原府五代
 周時為北漢都宋至和初以并州為太原府金改
 郡元立太原路明初以太原府為山西布政司治
 國朝因之領州一縣十

陽曲縣 太原縣 榆次縣 祁縣 太谷縣
徐溝縣 交城縣 文水縣 岢嵐州 嵐
縣 興縣
疆域東西廣五百七十里南北袤七百三十里東
至壽陽縣界百七十里西至永寧州界四百里南
至沁源縣界四百七十里北至崞縣界二百六十
里其形勢則臨谷爲塹因山爲嶂左有恒山之險
右有大河之固襟四塞之要衝控五原之都邑至
京一千二百里

風俗智愚不相欺貧富不相耀

城池城周二十四里高三丈五尺厚一丈八尺門
八東曰宜春曰迎暉南曰迎澤曰承恩西曰阜成
曰振武北曰鎮遠曰拱極池廣三丈

國朝順治六年於西南隅築滿洲城周圍共八百四
十三丈四尺東門二北門一

學校太原府學府治西北義學在大北門街三立書院在新南門
內額入學名二十

田賦原額共地五萬九千五百七十二頃五十五

畝零共徵銀三十二萬八千二百五十五兩九錢

九分 共行差人三十二萬五千八百三十六丁

共徵均徭銀七萬六千五百二十二兩四錢七分

六釐 額徵本色糧二萬六千四百二十二石八

斗六合四勺 雜稅等銀二千九百七十九兩零

太原府稅課司原額商稅酒課銀一千七百六

十五兩七錢六分八釐

宦蹟周董安子 晉人為趙氏臣知文子告趙孟欲殺之安于曰我死而晉國寧趙氏

定將焉用生乃縊而大戊午 趙相肅侯游大陵出死趙氏祀安于於廟於鹿門大戊午扣馬

曰耕事方急一日不作 **漢張敞** 平陽人太原太守

百日不食肅侯下車謝 **劉瓚** 字文理平原人遷太原太守郡有豪強

清 **滕甫** 字元發以字行知太原府西人獵河外請益兵甫曰寇來則死之吾不一兵也卒無寇

西夏請故地詔賜以四寨而葭蘆隸河東 **范純仁**

甫先以兵護遷號令嚴整無一瓦之失 內民貧親死多

吳縣人仲淹子哲宗時判太原境此獲葬者以萬 計

暴露純仁遣屬收葬復檄一路做此獲葬者以萬 **金烏古論德升**

元帥左監軍屢却元師與定二

年元兵復至攻益急壞城西北隅德升聯車塞之 三却三登矢石如雨守陴者不能立城破德升還

署自經死姑 **元李德輝** 字仲實潞縣人至元初授

及妻皆自殺 者無不為之嘉禾 **明於惟一** 懷寧人嘉靖間以進

瑞麥六出其境 太原府初下車

歲荒卽繪圖上請不待報可徑黃卿益都人嘉靖
發廩賑之去之日送者塞路太原府黃土寨大水漂沒居民以千計賑恤不
遺餘力民舍火將延學宮泣禱於神風反火熄孫

康周字晉侯安邱人崇禎末知太原府
流賊人率死士巷戰被執不屈死

國朝張國賢宛平人以舉人任太原中路同知姜逆
亂慷慨臨戎以死事著贈按察司副

使祀忠烈祠邊大綬任邱人順治八年知太原府當姜
逆初平撫循而綬又之閭閻藉以

魁劉果汾水溉田大盜傅青山等盤踞交城葫蘆
峪授計趙令吉士羣盜後先授首甘國基正藍旗

富人某訟產餽黃金五百峻却之甘國基漢軍康
熙二十七年知太原府性敏果謝獄以

片言折之情僞如指掌豪奸爲之斂跡以

人物周唐叔字子武王子生而有文在手曰虞
因命之成王封之於唐故曰唐叔虞

九傳至晉文侯名仇相平王東遷王錫以圭瓚弓
文侯仇晉武公名稱曲沃莊伯子也周釐王四年

公所滅晉文公名重耳獻公卒惠懷繼立襄王十七
君始晉文公名重耳獻公卒惠懷繼立襄王十七

都晉晉文公名重耳獻公卒惠懷繼立襄王十七
年秦穆公納之定周亂敗晉悼公名周襄公少子

楚師於城濮遂霸諸侯晉悼公名周襄公少子
王十四年厲公遇弒晉大夫迎立之十年十狐突

四矣修舊功施德惠繼文之業復霸諸侯狐突
大夫重耳出亡突二子毛偃從之懷公立謂突曰

子來則免對曰臣之子名在重耳有年矣若召之
教之貳也其何以事君懷公乃殺狐偃字子犯突

之毛從文公反國公使將上軍狐偃字子犯突
耳出亡晉獻公薨秦穆公使人弔重耳且欲納

之偃使公子辭焉其後公子反國偃佐上軍祁
奚爲悼公中軍尉請老舉實隼字鳴犢晉大夫孔

子午嗣職善於其官實隼字鳴犢晉大夫孔
子午嗣職善於其官

山西志輯要 卷一 太原府

子殺竇鳴犢舜華兩賢大夫乃張孟談趙氏宰知
還息乎馭鄉作馭操以哀之伯圍晉陽
決晉水而灌之城將破孟談陰說韓魏之君共攻
智伯殺之存趙宗廟封疆乃辭襄子而耕於負親
之蘭相如趙人惠文王時得楚和氏璧秦願以十
邱璧歸趙廉頗趙之良將也以持重制勝惠文王
拜上卿廉頗時伐齊破燕功最著封信平君後
與樂乘有隙奔魏魏不能用嘗一為楚
將無功曰我思用趙人頗竟卒於壽春

陽曲縣

分野屬昴畢

沿革周戰國趙狼孟邑秦為狼孟縣漢置陽曲縣
在今縣東北八十里應劭曰黃河千里一曲當其

陽故曰陽曲魏武帝徙其民於太原北狼孟南境
築城居之隋改為陽直唐武德中復名陽曲宋為
并州治元隸冀寧路明為太原府治
國朝因之

疆域東西廣一百五十里南北袤一百二十里東
至壽陽縣界六十里西至交城縣界九十里南至
太原縣界十里北至忻州界一百十里附郭

學校陽曲縣學縣治義學六額入學二十

田賦原額共地八千四百六頃七畝零共徵銀四

萬八千八十四兩五錢五分一釐零 共行差人

六萬二千一百四十一丁共徵均徭銀一萬三千五

十八兩一錢五釐零 額徵本色糧二千二百六

十六石二斗三升七合六勺 雜稅等銀八百五

十兩零

關津 天門關 城西北六十里乾燭谷明置天門關

崇禎末巡撫 石嶺關 城東北一百里為并代雲朔

陳純德建 汾河渡 城西南路通太原縣夏秋

築置巡司於 汾河渡 置船冬春為木橋以渡 臨

此今因之 汾驛 成晉驛 石嶺關 巡凌井驛

山川 淖馬村岡 縣東十五里層岡疊嶂 罕山 縣東

十里自太行蜿蜒而下層巒起 岷泉山 縣東北八

伏視諸山獨為壯麗又名看山 峒峒山 縣西北四

漢山晉文公卜 梁鴻山 縣東北 峒峒山 縣西北四

伐楚因改今名 梁鴻山 縣東北 峒峒山 縣西北四

鳥道石磴谿澗不能 列石谷 縣西北四十里石罅

旋足秋冬紅葉最佳 列石谷 縣西北四十里石罅

有寶鳴犢廟 乾燭谷 縣西北六十里即天門關也

陽曲川 縣東北三十里木井城 澗河水 在縣東

里西南 柳溪 縣西一里汾堤之東宋陳堯佐知并

流入汾 柳溪 州因汾屢漲築堤周圍五里引汾水

注之植柳萬株中有扶華堂芙蓉洲堤上有形 汾

震閣為郡人遊觀之地久圯於水斷碑尚存 汾

河 城西門外里許自忻州靜樂縣 尙家海子 在縣

城南流入界又東流入太原縣 尙家海子 在縣

掃谷水 縣西北三十里源出縣西一百二里南流逕

列石山流入汾水 真谷水 縣北七十里南流逕

古蹟三交城 宋史太平興國四年命潘美屯河東

三交口晉地平移并州於三交 大孟城 縣東北八

氏邑後分為七大孟其一 狼孟城 縣北六十里

也漢為縣後魏曰大祁城 狼孟城 縣北六十里

孟番吾遇李牧而還集覽狼孟縣名屬太原郡漢

地理志太原有狼孟縣舊汾陽縣唐於黃頭寨也

汾陽城 縣西七十里漢為汾陽縣唐於黃頭寨也

北七十里鄭村南社即故 古角城 在貢院供

汾陽縣也又名故縣城 故 古角城 在貢院供

故縣 汾陽為陽曲縣仍移治陽直廢縣宋移今縣

治 晉文公廟故址 宋陸游筆記唐明鎮有晉文公

治 狄梁公故里 今狄村慈觀 寇庄 縣南六里相傳

壘 雁邱 元遺山赴試道逢捕雁者捕得二雁一死

亦投地死遺山遂以金贖二雁 雁邱 城東南隅

行別業後歸明藩更名金寶賢堂石刻 明晉藩取

粟今為梵宇俗名小五臺 寶賢堂石刻 淳化諸帖

竝前明書家擇其尤者摹勒上石釐為十二卷戴

宋太宗書庫碑 在壽寧寺真 宗御書勒石

祠廟陵墓汾河神廟 在西門外演武堂東祀臺漢

文帝廟 在城北 狐大夫祠 在蕭家營祀晉大夫狐突

宋景祐中賜額曰忠惠

寶大夫祠

寶縣西北四十里石谷口祀趙簡子臣

大夫寶鳴

寶縣元間稱英濟侯廟明初改稱晉

三立祠

溫公薛文清公萬歷初祠廢巡撫魏允貞更議鄉賢自風后以下至伯夷叔齊十有七人位南向各宦自叔向以下至明呂文簡十有八人西向鄉賢自董狐以下至薛文清十有六人東向寓賢卜子夏田子方段干木別為位居鄉賢上題曰

賢上題曰

三立祠

文中子祠在府學崇聖祠東

文中子祠

在府學崇聖祠東

包孝肅公祠

在南關

包孝肅公祠

在南關

畢將軍

在學宮側

忠義祠

在學宮側

忠義祠

在學宮側

壽寧寺

在臬署西

崇善寺

在城東南

普光寺

在七府

十方院

在東關

唐郎國

在東關

周文端經

在縣北

明禮部尚書

周文端經

御史薄彥敏墓

在縣北

五代太師周德威墓

在縣北

公殷開山墓

在縣北

鄭王潘美墓

在縣北

墓

在縣北

墓

在縣北

墓

在縣北

太原府陽曲

宦蹟元顏瑜復聖裔任陽曲教諭育才訓士明王

珠鹽山人嘉靖間任陽曲縣丞才識明敏善李選

白河人萬曆間任陽曲縣丞時大令屈灼于天經

以嚴肅勝選以寬大佐之民愛戴如父母于天經

勸課農桑遇訟者以片詞折之歲饑停徵調屢蒙

譴責不徐守謙洛陽人以進士知陽曲初進士任榆次有能聲調

著任孔當濟寧人以進士知陽曲初進士任榆次有能聲調

注彭而述鄧州人崇禎時以進士任陽曲捐金修

馬匹城南有狄梁公祠三百號太原忠義營捐驛傳

不食死賊陷城後裔使奉祭祀范志泰虞城人為長史崇

國朝唐廉

卒不少屈為政嚴而有恩解組時行李蕭然不愧廉吏云

人物魏郭淮字伯濟建安中舉孝廉歷官都督雍

敵內綏民夷治績將材為一時冠進車晉郭奕字

業初為野王令羊祐過之奕歎曰羊叔子何必減

郭太業少選復往又歎曰羊叔子去人遠矣及為

尚書表揚駮小器不宜任唐狄仁傑字懷英舉明

以社稷後果敗卒諡簡飛謂左右曰吾親舍其下

法曹登太行見白雲孤飛斷久獄萬七千人稱平

恨望久之歷大理丞歲中斷久獄萬七千人稱平

仁傑諫曰非廬侍郎同平章事後欲以武三思為子

贈文昌右郭震字元振以字行僑貴鄉震年十六

相諡文惠郭震字元振以字行僑貴鄉震年十六

服者叩門自言五世未葬元振悉與之舉進士為通泉尉會吐蕃乞和以元振充使尋拜涼州都督置和戎城及白亭軍制東要路拓境千五百里景雲中拜同中書門下三品遷兵部尚書元宗誅太平公主睿宗御承天門元振總兵扈上封代國公俄兼御史大夫會講武驪山忤上意流新州開元初起為饒州狄兼謨字汝諧仁傑族孫及進士第司馬道病卒

以治最擢給事中左藏吏盜度支兼帛詔勿治兼謨封還詔書曰典吏犯賊不可免尋遷御史中丞上曰卿梁公後當嗣家聲兼謨頓首謝江南觀察使吳士矩給軍廩用上供錢兼謨請付有司治罪士矩生貶歷官宋邊光範字子儀後唐起家榆次東都留守卒

書言都督刺史治亂所關務選能吏以蘇民瘼漢拜衛尉卿周廣順中歷官禮部侍郎將秋試言於執政曰校閱名賢品藻優劣非下走所能辭疾不出顯德中檢大名民田普均租稅宋開寶中拜中

承張永德字抱一周祖為侍衛吏時妻以女周初卒

何徽遠退永德請誅二將以狗軍威大振元王守攻太原征南唐屢立戰功宋初封衛國公

誠字君實性好學從鄧文原虞集游文辭日進泰與著經世大典歷官禮部尚書與修遼金宋三史至正中除河南行省參知政事平反獄訟釐正職田疏請於蟠龍山建憲宗神御殿復文翁石室為書院風采聳動居諸道最進行省左丞卒諡文昭

明周瑄字廷玉由鄉舉歷官刑部侍郎賑順天河萬餘奏行利民八事還朝轉左救正冤獄甚多督理南京糧儲言鳳陽淮徐饑請發廩四十萬以賑無滯囚卒蓋莊懿周經字伯常瑄子天順進士部侍郎多著風采遷戶部尚書寬通緩征裁節冗濫四方告災必覆奏蠲除又諫籍民田及增給兩

浙鹽課其持大體多此類剛介方正宦官貴戚皆
 憚而疾之會星變自陳乞休中外論薦至八十餘
 疏咸報寢**張縉**字朝用成化進士知滄州遷山東
 卒諡文端**張縉**參政佐劉大夏治河有功累官南
 京戶部尚書以不附逆瑾致仕得旨晉南京戶部
 漕運勦淮南盜奏捷旋請致仕每經過唐希介景
 尚書縉在滄州民感其德政每因家焉**唐希介**字景
 歡呼迎馬首者絡繹不絕後因家焉**唐希介**字景
 化進士以給事中稽省真定等四鎮儲備盡得宿
 弊以聞權倖見嫉謫四川石砭宣撫司經歷尋擢
 用歷陝西僉事時大學士楊一清總制邊務議增
 茶市希介條答便宜二十三事一清盡施行之遷
 副使中官構**陳璘**字邦瑞宏治進士初通籍政府
 諸逆瑾罷歸**陳璘**授意令一來謁當授庶常卒不
 往為御史巡居庸關增防戍兵再巡山東疏罷礦
 役濟利運道遷河南按察使鎮守王太監奉法唯
 謹遷布政使擢都御史巡撫湖廣**薄彥徽**宏治進
 改延綏璘游歷中外功績茂著云

京御史正德初偕同官陸崑等極論馬永成魏彬
 劉瑾傅興羅祥谷大用輩罪疏上時劉健謝遷又
 被逐彥徽復合同官公疏請留健遷**張文明**字應
 非承成瑾等逮下詔獄榜掠除名歸**張文明**字應
 德進士以御史巡按陝西鎮守中官廖堂貪恣捕
 治其瓜牙堂大恨文明不以為意又上疏極論江
 彬罪狀謂宜正刑誅既而為太監張忠誣構命枷
 赴京下詔獄明年誅電白典史世宗朝為松江知
 府卒後贈**李希洛**字宗程嘉靖進士朝為松江知
 太常少卿**李希洛**授昌黎知縣多善政拜戶科給
 事中彈總督胡宗憲**畢文**字載道以軍功歷雁門
 貪肆忤相嵩歸里**畢文**遊擊屢著績為仇者誣
 構下獄會標兵變入獄邏拜文前願奉以舉事文
 罵曰若等受國恩不能効犬馬報乃欲為滅族計
 耶賊殺之後撫軍萬立祠**朱慎鏤**晉藩宗室闖賊
 北門內檄有司春秋致祭**朱慎鏤**陷城冠帶祀家
 廟驅家人入廟中**張鳳奇**崇禎初知永平府城
 焚之已亦投火死**張鳳奇**陷飲藥死闔門盡節

國朝潘一桂

門馮飯事親父好飲醉必夜歸桂執燭候

子王廷衡

順治初舉武鄉試第一為都司營中軍

賊蕪之曆焉

傅山字青主生於明季幼讀十三經

祀忠烈祠

著工詩文 兼明醫術

國朝康熙十八年徵聘至京授中書以老病辭歸山

精分隸及金石篆刻畫入逸品子眉亦工畫善賦

列女魏許允妻阮氏復入理適桓範至令之入許

便入謂女曰婦有四德卿有幾婦曰新婦所乏者

德為首君好色不好德何謂 晉王渾妻鍾氏字琰

皆備允有慚色遂相敬重 王湛妻郝氏 郝普女湛有癡名

法度為中表所則 王湛妻郝氏 自求婚焉于歸後

果有淑德遂為王氏母儀或問湛何以知之 北魏辛

少雍妻王氏 有德義少雍從弟懷仁等事 唐盧姨

狄梁公堂姨有一子狄曰某今為相表弟何所欲

願圖之姨曰老身止此子不欲其事女主狄大慚

五代李國昌妻劉氏 天復元年朱全忠累破李克

王常笑王行瑜失城走而死若何傲之王如一朝

棄此禍不旋踵克用悟乃止居數日汴人引去

元李宏益妻申氏 至正中賊陷冀寧令其夫出自

益卒安泣曰女子一適人終身不改未 明李雄妻

亡人其敢偷生膏沐薰裳自縊於柩側 賈文

王氏 雄為左衛百戶歿於陣氏年十九撫孤 賈文

遠妻楊氏 夫亡事親撫孤志行無玷又同邑董榮

重妻郝氏董三漢妻馮氏胡源妻朱氏

俱以青年守節 庠生蘭景昌妻趙氏 太原右衛人景昌疾祈以身代及卒遂自縊 庠生王相妻武氏 相亡欲自盡三子時年十八 庠生王相妻武氏 孤歷五十餘年後子佐封河南道御史孫立賢太僕寺卿曾孫元雅遵化巡撫一門熾昌皆氏遺澤也 秦世賢妻吳氏 夫亡誓不他適通儒書及內典 庠生傅襄妻李氏 太原人襄病卒氏陰 庠生陳見妻孔氏 孀居二十年闖賊破城掠其家氏罵不絕井 庠生裴潤妻范氏 夫故遺子希度方五齡氏課死 投井 郝堯宰妻柴氏 夫死守志值闖寇逼城氏恐蔽體昏絕子 昭信校尉李時春妻任氏 守節四十年遂不食死

一闖賊入城氏罵賊觸石死又蒲縣知縣朱新甄妻張氏孝廉朱萬壽妻於氏孝廉李桂芳妻朱氏靜海知縣崔嗣遠妻黃氏宗室朱慎錄妻郝氏庠生聶輝妻李氏庠生秦謙妻康氏庠生萬福德妻周氏李廷佐妻萬氏武曠妻程氏王絃妻陳氏侯三接妻高氏逆闖城俱投井自縊死

國朝庠生楊芳聲妻任氏 夫故氏仰事俯畜孀居七十載壽躋百齡康熙中賜貞壽匾額孫廷詔雍正甲辰武進士 成仕妻馬氏 布政馬諫女年十七以幼姪其昌為嗣 郭應選妻張氏 選失足墜井死壽八十二而終

令改適氏曰徒以翁姑與藐孤不敢死耳奚言嫁耶子甫成又卒復撫三孫壽八十餘卒 寓賢魏楊俊 字季才河內人受學陳留邊讓以河

少孤年十七八為人牧羊私讀書因被筆楚 唐劉俊嘉其才質即贖象為聘娶立屋然後與別

巨教彭城人好讀老子莊周書為太原晉陽令樂其土俗遂著籍太原之陽曲曰自我為此邑

人可也何必彭城乃昌裔之祖也

仙釋北齊祥雲并州周氏子童年倚州僧統靈詢披剃讀涅槃經日持一遍一日見

數官服者延至巨宅雲問之對曰我山神也慕師道行故特奉板歸時神取藥一莖相貽餌之遂獲

仙還經詢所禮隋高節并州人入臺山至北臺谷謝不知所終

跪求度僧曰長安有卧輪禪師可往依之且日我海雲比丘節節華嚴經中善財所參

來輪驚日海雲節節華嚴經中善財所參第三知識也節辭輪而返惟見荒麓焉

物產胰子 五靈脂 馬鞍 石漕桃 并剪

琉璃石 硫黃

太原縣

分野屬參井

沿革周為夏墟春秋為晉趙氏邑名晉陽戰國屬

趙秦置晉陽縣為太原郡治漢因之後漢并州治

晉建太原國都晉陽隋置晉陽縣於城東析置太

原縣大業初仍徙太原縣入府城唐隸太原府五

代仍之宋置平晉縣金隸太原府元隸冀寧路明

初改為太原縣隸太原府

國朝因之

疆域東西廣六十五里南北袤六十五里東至榆次縣界二十五里西至陽曲縣界四十里南至徐溝縣界三十里北至陽曲縣界三十五里在府西南四十里

城池城周七里高三丈五尺厚二丈門四東曰觀瀾南曰進賢西曰望翠北曰奉宣濠廣十丈深三丈

學校太原縣學縣治東北晉溪書院縣西南十里晉祠鎮額入學名十二

田賦原額共地五千六百八十九頃五十九畝零共徵銀三萬六千一百九十三兩八分一釐行差人三萬五千二百七十七丁共徵均徭銀六千六百二十七兩五錢六分一釐額徵本色糧四千二十八石五斗三升三合七勺雜稅等銀一千六百兩零

關津晉祠鎮縣西十里北偃寨在西山懸崖絕壁高數十丈東莊

水堡晉水下周二里濠內外密植柳樹汾河渡

南屯渡往陽曲縣東草塞渡往徐溝縣

山川崖山在縣東山上多生水草每值歲大旱土

女故河伯必牢山縣東四十五里劉聰遣子榮襲

黑駝山縣東北四十里二山對潛邱縣南三里爾

宋修惠明寺浮圖風谷山縣西十里相傳神至懸

陶土作瓦邱遂湮

響山縣西十里山腹有巨石象響山海經有懸

有晉祠晉卧虎山縣西南七里血出成河故橋名赤

石室山縣西南七里石室方嬰山縣西三里圖經

汾水縣東十里縣界尚書所謂既修太原即此澗河縣東十

洞渦水縣東南三十里水經注劉琨之為并州也

晉水縣西南十里源出懸壑山下周成王封唐叔

古蹟晉陽城縣治北里許古唐國也帝堯始都此

更號晉一名唐城晉刺史劉琨展築中有三城宋

縣治於故唐城之南唐城縣北二里都三角城

北二十里義井村一名徒人王陵城舊縣東北鄭

村臺駘澤縣南十里晉水有昌寧公廟即臺駘神

晉祠縣西南懸壑山麓晉水發源處後人建祠水

文仍名晉祠宋天聖間封汾東王明改稱唐晉陽
 叔虞祠中雅有臺池邦人歲時行樂焉
 宮故唐城內春秋董安邦人歲時行樂焉
 于治晉陽公宮即此資聖院宋皇祐五年奉安
 上黨坊齊文宣帝將受禪時訛言上黨出聖人帝
 於南宮坊名上黨一郡人張思進上言殿下生
 謠已應帝悅而止敬德別墅寺內有遺像百樂
 州唐李嵩鎮太原與李商隱孫龍泉池晉水池
 唐白香山有和裴令公上巳日遊龍泉烈女井縣
 池詩又和令公開龍泉晉水二池詩
 十里元武氏女晉祠碑銘唐貞觀二十一年太宗
 管嬰殉節於此晉祠碑銘御製碑文及銘碑陰列
 長孫无忌蕭瑀李勣張亮夫子廟堂碑在儒學顏
 李道宗楊師道馬周街名夫子廟堂碑真卿書
 宋邢昂墓詩碑有縣西南十里晉祠奉聖院南原上

淹等十四人
 所贈詩碑

祠廟陵墓臺駘神廟
 業其官宜汾洮障大澤以處太原帝用嘉趙襄子
 之封諸汾水蓋汾神也後人立廟祀之
 廟與石敬瑭同入廟中神像屹然起立
 晉太元十年苻丕稱尊唐叔虞祠麓晉水發源處
 號於晉陽立堅行廟尊唐叔虞祠麓晉水發源處
 叔虞封唐子燮因晉水介之推祠尹鐸祠門外
 更國號曰晉遂以名祠介之推祠尹鐸祠門外
 晉水賢祠在晉祠內宋熙寧中守臣請號顯
 神祠縣西南十里晉祠內宋熙寧中守臣請號顯
 濟聖母洪武四童子寺建時有二童子見又有大
 年改稱今號

山西通志卷一 太原府太原

石似世尊遂鑄佛像高一法華寺縣西十五里北
百七十尺因名童子寺
賜額開化後鑿石通蹊依山刻佛像天龍寺縣西
高二百尺有蘇禹珪王好古所撰碑
四龕石佛四尊隋開皇四年鑄石室二十周唐叔虞
墓晉王嶺舊志云其子晉侯燮墓亦附焉北齊丞
相斛律金墓縣西南十五里唐李存進墓縣東北三
孝墓縣西七北漢劉氏墓縣西南三十里天龍谷
陵後為寺僧所存宋邢昂墓縣西南十里晉祠奉聖
毀石香亭尚存明吏部尚書王瓊墓麓禮部尚書霍韜撰
張景儉明吏部尚書王瓊墓麓禮部尚書霍韜撰
表其墓神道碑

宦蹟周尹鐸趙簡子時治晉陽損其戶數簡子誠
智伯伐趙襄子走晉陽智伯圖明潘原英山東歷

而灌之沈竈產鼃民無畔意

武初知太原改築城池重葺廟學當蘭從善人永

兵革凋殘之際興賢育材絃誦不輟

樂問任太原教諭造士寬嚴有劉經宛平人宏治

方手一編不輟後官翰林學士

太原前令劉敏以嚴有聲金礪字霜鐔河南西華

經以寬繼之時稱濟美

知太原開新渠四十餘道既田數百頃給以籽種

緩其徭役進諸生校閱文藝製戎器勤訓練能舉

其職

國朝孫閱達江南通州人康熙間以進士知太原衣

者至死胥不重帛食不兼味性慈恕不尙蔽扑犯

感頌不輟

人物漢石奮

子皆官二千石景帝號為萬石君其家
以孝謹聞齊魯諸儒皆自以為不及
使并見拘留昭帝時還拜光祿大夫本始初為校
尉持節護烏孫兵出塞獲人畜無算封長羅侯龜
茲國嘗殺校尉惠因使烏孫請擊之龜茲
王歎服後代蘇武為典屬國卒諡壯武
叔建武中應司徒侯霸辟既至霸不問及政事仲叔
日以仲叔為不足問耶不當辟也辟而不問是失
人也遂譚賢字伯升王莽時守節不至王烈字彥方少
義行稱鄉里有盜牛者主得之盜曰刑戮是甘乞
不使彥方知諸有爭訟就質者或至塗而反或望
廬而還其郝絜與同郡胡武袁著連名奏記三府
感人若此郝絜薦海內高士著又上書指梁冀凶
縱冀笞殺著絜知不免因輿櫬魏王昶初歷兗州
奏書仰藥而死武亦並罹其禍

晉王渾

刺史明帝時賜爵關內侯著治論二十餘篇兵書
十餘篇正始中官征南將軍都督荆豫諸軍表徙
治新野習水軍廣農墾殖倉穀盈積嘉平二年敗
吳將施績振旅而還進封京陵侯遷司空卒諡穆
晉王渾字元冲和子沈雅有器量襲爵京陵侯伐
綏懷莫不悅服後拜司徒錄尚書事卒諡元子濟
少有逸才官侍中侍武帝未嘗不諮論人物及萬
機得王述字懷祖年三十尚未知名江東米價述
張日不答導曰王掾不癡果官尚書令子坦之為
桓溫長史溫欲為子求婚坦之曰坦之於述述曰汝竟
癡邪遂止咸安中坦之歷中書令與謝王濛字仲
安共輔幼主公忠慷慨朝野倚賴焉
已勵行喜愠不形於色與劉惔齊名惔常稱王湛
濛性至通而自然有節官至司徒左長史
字處冲兄弟宗族皆以為癡雖帝亦知之一日兄
子濟來見湛牀頭有周易因叩之湛剖析元理微

山阿三書

卷一

太原府太原

元

妙有奇趣濟嘆曰家有名士三十年而不知也見
 武帝因稱其美上曰誰比濟曰山濤以下魏舒以
 上歷官汝**王承**字安期湛子東海王越引為記室
 南內史卒**王承**參軍救其子毗曰王參軍人倫之
 表汝其師之遷東海太守一日吏拘犯夜者承問
 之答曰從師受書不覺日暮承曰鞭撻宵越以立
 威名非政化之本使吏送歸承少重譽**郭琦**字
 而接物宏恕衆咸親愛為渡江名臣第一**郭琦**公
 備晉陽人性方直博學善五行作天**北魏王慧龍**
 文志五行傳注穀梁京氏易百卷
 晉尚書僕射愉孫也宋武誅王氏慧龍僅免後歸
 魏領并荆揚三州大中正表請伐宋乃受安南大
 將軍左長史數敗宋師宋文縱反間太武曰是齊
 人忌樂毅耳宋復遣刺客呂元伯購慧龍首元伯
 被執慧龍特捨之慧龍卒元伯**溫子昇**字鵬舉晉
 感其恩留守墓側終身不去**溫子昇**大將軍嶠
 後也文章清婉為廣陽王深教諸奴子書作侯山
 祠堂碑文章名由是著熙平初召詞人充御史子昇

與焉歷官大中正梁使張臯寫其文筆傳於江
 梁武嘆曰曹植**北齊唐邕**字道和天保初文宣
 死有文集三十五卷**北齊唐邕**字道和天保初文宣
 前簡閱不執文簿傳唱官名未嘗謬誤文宣嘗曰
 邕手作文書口且處分耳又聽受實是異人累官
 尚書令封**唐唐儉**字茂系隋政亂說秦王建大
 晉昌王**唐唐儉**計武德初奉使至王孝基軍為
 劉武周所執在賊中得獨孤懷恩反謀密遣劉世
 讓白之武周敗儉還上嘉其不忘朝廷詔復舊官
 封苦國公顯慶初卒**王緯**字文卿與李泌俱為路
 陪葬昭陵諡曰襄**王緯**嗣恭判官嗣恭希元載
 意欲殺必緯調護獲免必執政奏之進給事中浙
 西觀察使缺必日浙西賦入尤劇緯清而忠能惠
 養民請遣之制可緯到官阜財**王彥威**孤貧力學
 用以紓民改檢校工部尚書卒**王彥威**舉明經甲
 科補太常檢討官成元初新禮上之拜博士論事
 悉据經典不稍回屈開成初歷官禮部尚書忠武

節度使毀山房三千餘所盜無所李光顏其先河
容徙節宣武封北海縣子卒諡靖功為代洛二州
姓阿跌氏從河東軍為裨將積戰功年討蔡充忠
刺史以兄光進有功賜姓李元和元年討蔡充忠
武軍都知兵馬使尋擢節度使與賊戰於時曲諸
鎮兵相顧不肯前獨光顏先敢賊拔雲柵降郾
城都統韓宏節度同平章事卒諡忠加烏重印保
司空歷鳳翔節度使盧從史陰與王承宗通謀
君少為潞牙將節度使盧從史陰與王承宗通謀
吐突承璀以計擒之昭義軍甲而譁重印叱日天
子有命從者賞違者斬乃退憲宗嘉其功擢河陽
節度使討淮蔡賊平遷檢校司空封邠國公徙橫
海軍令所管三州刺史各主其兵時以為白居易
賢歷天敏悟絕人貞元中擢進士拔萃元和初入
翰林遷左拾遺四年早奏免江淮兩賦凡疏論皆
關大體歷官杭州刺史築隄捍錢塘鍾洩其水溉
田千頃徙蘇州文宗立為刑部侍郎改太子少傅

封馮翊縣侯後以五代韓通漢奉國指揮使乾佑
刑部尚書致仕卒自隨委以心腹尋拜保義節度使
凌胡蘆河城李晏口為京城都巡檢築新城顯德
中浚汴渠數百里加檢校太尉同平章事陳宋陶
橋之變為王彥昇所害太祖詔贈中書令
穀字秀實本唐彥謙孫避晉祖諱改姓陶嘗以書
誥仕周為翰林學士承旨宋初為南郊禮儀使法
物制度多穀所定歷戶部尚書卒贈右僕射穀強
記嗜學博通經史諸子為人藥元福善騎射晉威
雋辨宏博而多思好名云藥元福州刺史會拓
跋彥超攻靈州節度王令溫令馮暉進討以元福
將行營騎兵遇彥超轉戰五十里與暉合擊彥超
西山營殲其精兵至大散關以功遷淄州刺史入周
王景崇追蜀兵節度世宗圍太原班師元福為劉孝忠
擢建雄軍節度初加檢校太原師卒贈侍中
殿擊走追兵宋初加檢校太原師卒贈侍中劉孝忠

山西通志 卷一 太原府太原

母病三年割股肉斷左乳以食母母病心痛劇燃
火掌中代母受痛及母卒為富家奴得錢以葬富
家養為已子後養父失明砥之經七日復 **王全斌**
能視開寶中太祖親征太原召見慰諭 **王全斌**
後唐補禁軍度乾德二年伐蜀屢勝蜀人退守劍門
安國軍節度使 **王全斌** 賜劍門
時京城大雪上特解紫貂裘賜全斌拜節度使
由間道入劍州遂克之開寶未遷武寧軍節度使
卒全斌寬厚有容軍 **郭守文** 隸周祖帳下宋時歷
旅樂為用識者稱之 **郭守文** 官武州團練使銀麟
夏三州歸附者凡百二十五族西鄙遂寧官至北
面行營都部署卒贈侍中諡忠武追封譙王守文
沉厚有謀略得俸祿賜資悉犒士 **呼延贊** 太平興
卒死之日家無餘財軍士皆流涕 **呼延贊** 國初從
征太原先登乘城及堞而墜者數稍遷內都虞候
求領邊任累官康州團練使咸平中上嘗補軍校
皆叙已功贊獨進曰臣月俸百千所用不 **楊業** 弱
及半忝幸多矣不敢更求遷擢再拜而退 **楊業** 冠

事劉崇軍中號為無敵太宗征太原得之大喜雍
熙三年北征命副潘美連拔雲應寰朔四州會遼
復陷寰州閣門使王侁等迫業出戰業指陳家谷
口曰諸君於此幸張步兵彊弩為左右翼相救援
侁欲爭功遽去業力戰至暮抵谷口以無援軍為
遼所擒不食三日死上聞之痛悼贈太尉大同軍
節度業忠勇有智謀與士卒同甘苦朔州之敗麾
下無一生還者其子延昭亦智勇善戰歷官高陽
關副都部署每戰必 **王貴** 官淄州刺史從潘美北
克遼人呼為楊六郎 **王貴** 征攻沁州立戰功及從
楊業射殺遼兵數十人矢盡 **武英** 字漢傑歷涇原
張空券又擊殺數人遂遇害 **武英** 行營都監元昊
入寇與任福合諸將戰張家堡敵棄羊馬僞遁英
度前必有伏眾不聽伏果發福敗英力戰遇害贈
邢州觀察使 **金郭文振** 字拯之進士累官遠州刺史興
察使 **金郭文振** 定三年行河東北路元帥府事
招降太原東山二百餘村得壯士七千分駐營柵
防護秋獲尋與張開合兵復取太原封晉陽公

山西通志要 卷一 太原府太原 三

趙益 元兵入境合土豪保聚山峽郭文振署壽陽

餘口擢同知府事兼招撫使元光初元兵攻元郝

城急焚府庫殺妻子沉符印于井遂自殺

拔都 善騎射通譯語太祖遣使宋往返數四以辨

稅過重者悉除之同恕 字寬甫太原人五世祖僑

卒追封冀國公 同恕 奉元初年十三魁鄉校累

召不起陝西行臺侍御史趙世延請即奉元置魯

齋書院以恕領教事來學者千數延祐六年以太

子左贊善入見東宮歷陳古誼致和初拜集賢侍

讀學士以老疾辭恕之學由程朱上溯孔孟性整

潔雖大暑不去冠帶事異母如所生父喪哀毀致

日疾扁所居曰架菴鄉里稱先生而不姓卒諡文

貞著有明王鑑 景泰進士授御史管于左廂門面

架菴集 明王鑑 斥中官非禮天順時彗星見鑑率

同列廷論石亨曹吉祥亂政下獄擄掠王瓊 字德

滿膚施知縣有善政亨敗擢延安知府王瓊 華成

化進士累官戶部尚書明習國計改兵部制置周

詳盜不得逞寧王宸濠反瓊先知其謀用王守仁

巡撫南贛與戰立擒之嘉靖時督陝西三邊軍務

敏練鎮靜人比之楊一清官至吏部尚書卒贈太

師諡孫允中 嘉靖中官給諫監光祿寺中官杜泰

恭襄 孫允中 乾沒累巨萬少卿馬從謙奏之泰誣

從謙誹謗允中借御史狄斯彬劾泰如從謙言詔

下從謙獄允中謫邊方雜職從謙竟杖死允中後

遷應天 萬自約 萬歷進士官給事中出為陝西漢

府丞卒 王元雅 萬歷進士歷官都御史巡撫遵

山西通要 卷一 太原府太原

署 趙威晉 父本為諸生游學威晉時未甚歲及長

終南山即日推小 孫絳 慷慨有大志能文章干言

車覓之果得扶歸 孫絳 立就闔閭變借鄭伯陽段樵

隱心源山中後鄭歸授 徒自給二人不知所終

國朝馬電

字躍如博士弟子里人劉養病危以所積

其子婚娶乃給今子未十歲奈何令日第與之電

聖祖仁皇帝西巡幸其家電

恭率四世子孫跪迎

賜坐問年

賜御衣

李中馥

號鳳石天啟舉人為孝廉五十年

辭不赴甲申闖寇遣人授偽官怒曰乃公向不趨

召今寧為賊屈耶閉門卧不顧姜逆亂登陣畫守

禦方略縣閣若璩字百詩少奇慧博極羣書而句

詩學問博洽前無古人康熙戊午舉博學宏辭卒

淮安故秋谷稱山陽閣百詩云

列女元武烈女

名管嬰未嫁避兵山洞其父被執

有瘞金衆爭掘白氏年二十夫棄家為僧白留養

白斷髮不從姑卒竭力明李文傑妻梁氏嘉靖間

營葬肖姑像祀之終身羅城以刀脅之氏曰殺即殺不汝從也兵怒斬之

血濺尺餘尸行數步而仆又李永岡妻姜氏亦被

執不趙氏適陽曲羅某羅初娶婦時曾貸匪人金

屈死趙氏約與私之既娶匪人欲如約氏不從乃

以他詞訴匪人於官稍繩以法已而逼如故氏斷髮垢面自刎死

國朝賈堯信妻王氏

年十五歸堯信十七堯信歿子

折不少挫梓娶婦久不乳或勸置妾王曰我畢

生孤苦天必不令絕嗣已果得孫壽幾百歲

邦奇妻高氏年二十三而寡家酷貧衣食不

庠生

高騫妻李氏

年十六適高越三載夫病臨危目注

穴也言訖瞑目絕時舅姑已歿夫弟毓祥甫六歲氏撫成之毓祥生子禮立為夫嗣鄉黨頌其賢

寓賢晉周虢

南安城人少節操寧康初任梓潼太守為苻堅所獲欲以爲尚書郎虢

曰昔豫讓爲知伯臣猶漆身吞炭不忘忠節况北魏世荷晉恩豈敢忘耶堅乃徙於太原病卒

魏辛紹先

狄道人世祖平涼州內徙家於晉陽初

援李歆而身死於難紹先三年口不甘味頭不櫛沐髮盡落至是常著垂裙皂帽仕至寧朔將軍

北齊楊愔

華陰人隨父津之并州性恬默好讀書

志元

臨濟人從父偃客太原以剽果爲太宗所識授都督府軍頭以功封襄國公

李白天寶初明皇召見懇還崔從武城人少孤貧與兄山集中有太原早秋詩

後唐餓拾橡實以飯講誦不輟不出山巖者十年

貞元初登進士仕至揚州大判官呂充劉守光收

趙玉漁陽人客滄州依節度判官呂充劉守光收

衣食以給琦是時燕趙之明呂時字甫東鄆縣人

士以玉能存孤翁然稱之明呂時字甫東鄆縣人

並以山人能詩寓居晉陽王明甫孔文谷諸

人多有唱和臨清謝榛聞喜裴邗奇亦與焉

仙釋魏郝姑字女君太原人徙居莫縣魏青龍間

童子至前云東海公娶女君為婦言訖敷茵褥水

上行坐往來如陸地遙語家人幸得為水仙勿憂

魚爲信已而果然尹軌甘始二人見葛北齊阿

禿師見之歷問祿位至帝舉手再三指天而巳口

無所明陸本雲間人宏治末居太原吳天觀石洞

言太原府太原

山西通志卷一
山頂捨之雷聲輒隱起
後遊華山莫知所終

物產晉祠稻米 桑落酒 晉水鱖魚 長生蘋

榆次縣

分野屬參井

沿革周晉大夫祁氏邑戰國屬趙名榆次漢隸太原府晉析餘地為壽陽縣隋仍名榆次又析餘地為清源縣唐隸太原府五代仍舊宋平太原毀其城徙治榆次更名并州元隸太原路明隸太原府國朝因之

疆域東西廣八十五里南北袤一百十五里東至壽陽縣界三十五里西至太原縣界二十五里南至太谷縣界三十里北至陽曲縣界八十里在府東南六十里

城池城周五里高三丈門三東曰迎曦南曰觀瀾北曰望嶽明萬曆中創闢西門曰帶汾池廣三丈

學校榆次縣學縣治西社學北門街西小學縣治西源池書

院縣東源涂川書院縣治西魏榆書院縣治北額入學

名二十

田賦原額共地九千一百九十三頃九十畝零共
 徵銀四萬五千四百七十五兩二錢七分四釐零
 共行差人六萬二千九百七十八丁共徵均徭
 銀一萬四千七百五十一兩四錢一分六釐零
 額徵本色糧三千六百四十九石二斗六升八合
 二勺 雜稅等銀一千八百七十二兩零
 關津什貼鎮城東北五里清跨橋縣南八里跨晉水
 故柳林莊橋縣南汾鳴謙驛
 山川榆城板縣東南三十里麓臺山縣東南三十
 里五里巔平衍

故曰臺一盤腸嶺縣東南五十里山木瓜嶺縣東
 各鹿蹄山盤腸嶺勢危峻盤曲如腸
 十里有鷹山縣東南八十里峯聳如
 木瓜水鷹矯翻小涂水出焉
 北三十里山上有泉神主之洞渦水源出樂平縣
 禱雨者各投瓶取以下雨數
 至壽陽土人名合泉河合黑水經榆次東
 合大涂水又西合源渦水西南注於汾
 縣東八里源渦村其泉湧出隆寒不
 水泉側草木經冬常榮又名為溫泉
 寒泉縣東十
 村味甘冽神井縣東南五十里高平村北
 不涸不溢
 源出縣東南六十里木小涂水發源鷹山下西
 瓜嶺下西流入洞渦
 涂水發源八縛嶺西北流合小涂水又合洞
 港縣東北半里漢唐時故道
 也邑霖潦滙此疏為港

古蹟中都城

縣東十五里左傳昭公二年晉侯執陳無宇於中都即此漢置縣隋志後

齊曰中都開皇

榆次故城

城北週二十里春秋昭公八年石言於晉魏

榆服虔曰魏晉邑也榆

武觀城

縣西南二十里陳侃村一名武館城

州里名也漢書曰榆次

信都城

縣東十八里宋圖經

盧謀征艱賦徑武館之故郭水

鑿臺

縣南五里郭村史記殺智伯都即今來暮鄉

孟母故宅

古城西南隅相傳有三進又學宮東舊有孟母廟前有斷機堂

鳳亭

縣治內晉荀勗為令鳳集其境宋天聖中後文彥博署縣事因以名亭後改思鳳樓

漢高祖故里

五代史劉智遠其先沙陀部人後居太原相傳唐中和初徙榆次左付里

昭聖皇后故里

縣治西北五代史漢高祖牧馬晉陽夜入其家劫取之相傳榆次鳴

李村村有土井昭聖后微麗涓洞蘇村南澗相傳時汲水灌麻池尚存

光顏墓碑

李程撰郭虔書

祠廟陵墓尹吉甫廟

在縣南庄村

孟母廟

詳古蹟

三義廟

在縣治西南山巔明成化中建

原過祠

兩賢祠在縣

祀晉荀浪宋文彥博二公嘗為邑令

鹿臺山祠

在縣東北

延壽寺

在縣東北

年建明宣德正

永壽寺

縣東源澗村漢建寧元年

移此宋大中祥符年間

水晶院

縣北四十里烏金

文殊飲

周智伯墓

縣東南三十里智伯死鑿臺下獅處趙襄子取其頭為飲器國人刻

木頭以葬今名**白起墓**縣西南三里南庄**後趙冉閔墓**縣

其地為神頭村南二十里張胡村閔為**北魏左僕射郭祚墓**縣東

慕容儁所殺諡武悼源渦**可朱渾元墓**縣東八里**唐單雄信墓**相傳在

村源渦**太保李長臣墓**縣北十里趙村西

官蹟**晉荀藐**或云荀浪武帝時知榆次以德懷民

鄉以藐**宋唐恪**字欽叟錢塘人知榆次有豪猾橫

節為**明黨忠**富平人景泰間以舉人任榆次教諭

要在鷺湖**宋信**趙州人成化中以舉人知榆次有

白鹿之間**張鐸**陝西人以舉人知榆次持身**蘇民**陝西人

治**張鐸**清介政平訟簡吏民懷之

以進士知榆次務持大體民有犯者以道義諭之

不率始懲以法暇日召諸生與之講論圖籍士多

興**史記事**濟渠嘗修縣志於邑徭役三致意焉榆

起**劉似鰲**高陽人進士知榆次剛方廉幹

民建祠**劉似鰲**捐俸設義學延名士主師席開東

陽鎮水渠溉田數十頃後以莊浪道佩四符辦理軍務卒於官

國朝**楊三知**良鄉人順治初以進士知榆次有膽略

月城卒全又捐俸建社學訓士歷陞神木道死難

人物**宋武行德**材貌英偉晉祖獵郊外見而奇之

被獲偽請自效而潛與軍士由汜水倍道抵河陽

敗遼節度崔廷勳兵遂據河陽將士推知州事聞

漢祖勳望日隆遣使間道奉表勸進授河陽節度

使周廣順初封邢國公歷保大節度使宋初改節

忠武軍封魏國閻守恭 僑家大名往來負販并汾
移鎮安州致仕 然曰吾豈不及進邪遂應募擢殿前押班歷官永
興軍兵馬鈐轄徙并代路守恭性沉勇御軍嚴雖
家居如對賓客俸祿所入悉散予人 高若訥 第累官參知政事疆學
善記皇祐中以漢貨泉度一寸依隋書定明張旗
尺十五種上之并損益祠祭服器悉施用 明張旗
承樂時知安邱縣會妖賊唐賽兒等攻安邱旗率
民兵以死拒戰賊敗復集眾攻城會援兵至旗出
城中兵合擊大敗之卒全 寇天敘 字子惇正德進
安邱事聞擢山東參政 許事歷寺副獄多劫平反遷寧波知府有政聲
擢應天府丞攝尹事嘉靖三年以右僉都御史巡
撫甘肅回部犯山丹率眾禦之擒其長脫脫木兒
歷官右副都御史巡撫陝西屢有戰功陞兵部侍
郎 周鈇 字汝威嘉靖進士為御史巡按陝西規畫
卒 周鈇 邊務悉協機宜改右春坊以陳邊事違謫

旋遷吏部主事坐發嚴嵩等私屬事貶 褚鈇 字民
河間通判尋落職穆宗初贈光祿少卿 褚鈇 威嘉
靖進士由河間知縣擢御史出按陝西藩府爭牧
地力過之再按河南周趙二藩有為民害者奏治
不少貨歷官戶部尚書乞歸卒 張運通 字徽侯七歲父御史養以
侍左右尋具疏請以身代士大夫胥驚異之御史
在獄七年甲申賊出之將甘心焉運通號泣斬免
賊感其孝釋之後養以追餉解鎮安運通從之拾
橡栗以自給行達商州猝遇虎虎遂巡去邑令劉
星嘗著侯祥 郝應麟 王輔國 監生張治 經齊 稷 庠
孝子傳 侯祥 郝應麟 王輔國 監生張治 經齊 稷 庠
生張治度趙芳任三讓桑苻祁州俊李聯捷王國
昌李壘侯之翰齊人道寇獻瑜寇獻珠寇永亮褚
延文李塘李幹智大用褚延寬李登龍寇省身發
身王瑄王建元孫承志董萬有李自登程雲步張
辨齊文輝王度宏翟漢傑張吉士
張運龍郝龍正俱以城陷死義

山西通志 卷一 大原府榆次

列女明郝氏許聘鄭銓未婚而銓卒女段廷相妻

王氏延相疾革顧氏曰汝若何氏曰志在從君廷相卒既葬匍匐井姑救之益人以守氏給

守者出仲顯妻李氏讀書史知大義嘉靖中避兵

潛縊死郭思德妻安氏嘉靖時山寇起思德

北行李從寨後投崖死井死泰姊李氏適王一

死庠生李春泰繼母馬氏閩變義不受污罵賊投

元被執不屈庠生張紳妻侯氏夫妹張氏避兵母家

屈受烙死妻在氏及夫妾夫妹暨婢妾輩十三口皆從之

國朝庠生王之相妻姬氏或有微諷之者氏曰餓死

事小失節事大厲聲李進選妻麗氏早孀惡少李

斥之廢居六十載

逼之氏不從姚定妻郭氏年十九夫亡事姑撫幼

念恚投井死寓賢元党志善華陰人通五經尤精三命之術官

鼎新徙家榆次子文彥號白雲子博極羣書以教授為業士多負笈從之

仙釋隋空王佛其先為榆次縣田氏名志超年十

摩斯供厨有白兔用鐘取水日供不竭後至抱腹

巖中禪定崖摩斯受記貞觀初元旱太宗令父老

向名山尋禱至巖師令拜摩斯以水向西洒曰

長安已霑足矣果應詔入長安不就御駕至巖麓

師已坐化山霧中見金字云元印寶俗姓康戒行

空王古佛太宗賜空王佛號元印寶甚高注持汾

州法興院坐逝三日茶毘烈焰中現有金光獲

舍利數千粒有人見寶於黃蘆嶺單騎西去云

物產白竹 西瓜

太原府榆次

三

祁縣

分野屬參井

沿革周春秋時祁奚邑戰國屬趙秦隸太原郡漢因之晉隸太原國北魏隸太原郡北齊天保中省隋開皇中復置唐隸太原府武德中隸太州州尋廢仍屬府金於縣東圍柏鎮置幘州縣屬焉尋改隸晉州元仍隸太原路明隸太原府

國朝因之

疆域東西廣五十五里南北袤四十三里東至太

谷縣界三十里西至文水縣界二十五里南至平遙縣界十三里北至徐溝縣界三十里在府西南一百四十里

城池城周四里有奇高三丈三尺門四東曰瞻鳳

南曰凭麓西曰挹汾北曰拱辰濠廣三丈深一丈

學校祁縣學縣治西南學田四十一畝零昭餘書院 額入

學名十二

田賦原額共地五千三百八十一頃六畝零共徵銀二萬九千七百兩五錢七分四釐零 共行差

人二萬九千七百三十二丁共徵均徭銀五千四百一十五兩七錢九分九釐 額徵本色糧一千七百九十一石九斗七升五合 雜稅等銀九百三十九兩零

關津龍舟峪關 縣東南九十里南通沁水北通北徐溝兩壁皆山道傍有胡甲水

關鎮 縣東南九十里相傳宋太祖盤陀鎮 縣東南五里祖取河東克金鎖關即此

姚古傳金人進兵迎古遇于盤陀又鎮之東南曰來遠鎮有寨在東山巔明嘉靖間設四面臨溝上

橋 **團栢鎮** 縣東南六十里白圭鎮 **賈令驛** 在麓臺山龍王廟中深四丈餘正北一

山川龍洞 窩即龍王洞內有水池橫三木為梁過

此則霜茅雪 伏罷嶺 縣東南三十里上嶺山 縣東南六十里

魏峩聳秀上 下嶺山 縣東南六十里 **高峯壑山** 在上嶺山

有五龍堂 雪不化有雙泉志稱 **牛心山** 縣東南七十里 **紫荆山**

竹綠水崖花紅霜障 在牛心山南石多五色西崖有 **伏罷水** 源出縣東

赤土洞巔有泉池北有溫風洞 **伏罷水** 源出縣東 南三十里

伏罷嶺流 **通光水** 源出東南橫山又名胡成 入昌源河

古蹟昭餘池 縣東南七里祁城村澤久涸元至元 中土人鑿得細水為昭餘池歲溉民

田旁建成湯廟即周禮職方 **郃城** 縣西南七里左 昭餘祁晉賜祁奚食邑也

我箕部今 **趙襄子城** 縣西北八里圖 **秃髮城** 縣東 為高城村 **趙襄子城** 志趙襄子所築 **楊六郎城**

五里相傳秃髮烏 **沙城** 縣西五里相傳 **楊六郎城** 孤築今大賈村 後燕慕容垂築

太原府祁縣

縣東南二十里落陽村 **古耆國** 縣志祁邑源流考炎帝姓伊耆氏蓋以初國伊繼國耆也

帝堯生於丹陵徙於祁故亦姓伊耆今祁 **隆舟城** 縣堯城南五十里平陶俱稱帝堯始封地

縣東南三十里卽隆州故城圖志五代時劉繼元築以拒周河東記宋克嵐州因次隆州有遺址在今團栢

鎮之東 **祠廟陵墓成湯廟** 一在祁城都一在祁大夫廟在

郃城村一在西關左傳杜註祁大夫 **二帝行祠** 在東

夫祁奚也食邑於祁因以爲氏 **二帝** 村祀堯 **王司徒祠** 溫氏先賢祠 在會善

舜二帝 **祠** 在西六支村明參將張世忠力戰 **石佛寺** 城內

坊金明 **善音寺** 城內舉善坊 **上生寺** 縣治南金 **周**

昌年建 **善音寺** 明宣德年建 **上生寺** 明昌年建 **周**

大夫祁奚墓 縣南七里榮仁村北碑剝落不可辨

漢隱士周黨墓 在小韓 **護羌校尉溫序墓** 縣西北

建武中死節光武賜葬洛陽其子 **司徒王允墓** 西

北修 **梁大司馬王僧辨墓** 縣東南大 **唐黎國公温**

善村 **大雅墓** 縣東北五里

宦蹟宋張載 字子厚郿人嘉祐二年登 **司馬旦** 州

夏縣人知祁縣天旱乏食羣盜劫掠富家巨室至

以兵自衛旦召至開示禍福於是爭出粟減直以

糶饑者獲濟 **明王允言** 祁縣人嘉靖間以舉人知

盜患亦弭 **李元** 同州進士知祁縣平恕

吏民捍禦遇兵患督 **廉明** 均徭役省解納飭

太原府祁縣

太原府祁縣

太原府祁縣

學宮恤行戶開渠穿井清驛彌盜革李懸同州人一切賄累侵漁之苦民德之為立祠

國朝王惟籌華州人康熙間以舉人知祁縣創義學

無不為民立祠祀之

人物漢温序字次房建武六年為護羌校尉至襄

叱死節可賜以劍序受之銜鬚於口伏劍而死

王允字子師以司徒高第為侍御史中平初黃巾

董卓亂政遷都關中允潛結卓將呂布誅之會卓

允曰朝廷幼小恃我而已臨難魏温恢字曼基父

苟免吾不忍也遂為催所害

年十五送喪還鄉盡散家財賑施宗族舉孝廉為

揚州刺史魏武稱其曉達軍事文帝時遷涼州

史道温喬字太真為劉琨右司馬元帝初鎮江

病卒温喬左珉使崎奉表勸遼辭旨慷慨舉朝

屬日明帝即位以平王敦亂封建寧縣公咸和初

為江州刺史都督鎮武昌蘇峻反要陶侃赴難斬

峻封始安郡公至鎮卒贈侍中大將軍南梁王僧

諡忠武子放之嗣爵為交州亦著威惠南梁王僧

辨命接臺城城陷倍道西就元帝侯景大破之

辨命走朱方寇悉平元帝初為司徒及齊納貞陽侯

明嗣位授大司馬揚州牧鎮石頭北周王思政魏

城陳武帝舉兵襲之被執遇害

武時封祁縣侯齊神武潛有異圖思政策西遷

帝從之進太原郡公尋以并州刺史鎮玉壁及去

命舉代人也進東魏高岳步騎十萬斃行臺慕容紹

宗儀同劉豐生等俄而齊文襄破頽王軌漢司徒
川被執文襄厚遇之為都官尚書卒
從武帝平并鄴以功進大將軍鄰國公陳將吳明
徹寇呂梁軌以計俘獲之威振敵境嘗因侍坐言
及太子過淮南及宣帝即位軌知禍且至謂所親曰
此州控帶淮南鄰接疆寇欲為身計易同反掌但
忠義不可虧違止可於此待死大象初帝使內史
杜虔信就徐州殺之天下知與不知皆傷惜焉
唐張河字道源年十四居父喪毀威慙合郭湛署
軍府戶曹參軍唐初撫慰山東下燕趙封范陽郡
公守趙州為寶建德所執建德寇河南遣人詣朝
請乘虛擣賊詔從之賊平還拜大温大雅性至孝
理卿以年耆改綿州刺史卒諡節大温大雅與弟彦
博大有皆知名薛道衡見之歎曰三人皆卿相才
也高祖兵興引為大將軍府記室參軍唐初討定
儀典進工部侍郎秦王表鎮洛陽建成謀變温彦
數陳秘書貞觀初轉禮部封黎國公卒諡孝温彦

博大雅弟入唐為侍郎高麗貢方物高祖欲讓而
并州道行軍長史與敵戰被執囚陰山太宗初得
還封虞國公進尚書右僕射家貧無正寢上命有
司為構寢弟大有高祖引為大將軍王珪字叔玠
府記室累遷中書侍郎封清河郡公王珪曾孫
也隋開皇中為太常治禮郎高祖入關署世子府
諮議參軍建成敗太宗召為諫議大夫因事納諫
剛正王忠嗣輕騎出塞累官河東節度使尋節度
朔方築大同靜邊二城徙清塞橫野軍實之復改
河東封清源縣公俄為河西隴右節度使權朔方
河東節度兵重地控制萬里會以出軍援董延
光不合詔旨李光弼謝服安祿山城雄武忠嗣數
命易一官哉光弼謝服安祿山城雄武忠嗣數
言祿山且亂李林甫惡之使人誣告貶漢陽太守
徙漢東王維字摩詰九歲知屬詞開元初擢進士
郡卒

山西志要 卷一 太原府祁縣

賊所得以藥下利陽瘖祿山迎置洛陽迫為給事
中賊平下獄弟縉請削官贖維罪肅宗亦憐之下
遷太子中允歷尚書右丞上元初卒維工草隸善
畫各盛於開元天寶間代宗時命縉哀集其詩文
上之縉與維齊名舉草澤文辭清麗科上第歷官
黃門侍郎同中書門下平章事以附元載敗謫官
卒 **王仲舒** 貞元中賢良方正高第拜左拾遺德宗
初擢知制誥舊與楊憑友憑斥仲舒屢存問貶陝
州刺史歷婺州蘇州穆宗立召為中書舍人除江
西觀察使罷醜錢九萬值水旱減宴 **溫造** 字簡
樂他出錢二萬以代民賦卒於官 **溫造** 字簡
州刺史張建封禮往從之署參謀使幽州說劉
濟濟因克謹臣節上將用為諫官以語泄止烏重
印奏置幕府長慶初奉使至范陽開示禍福劉總
籍所部九州入朝還遷殿中侍御史夏州李祐違
詔進馬造正衙劾奏興元軍亂殺李絳授山南西
道節度使造從五百人為前軍既入呵護諸門喻

意於興元將衛志忠張丕等大宴將吏坐定勞問
畢即問軍中殺絳狀斬八百餘人醢殺絳者後改
節河陽名為 **溫廷筠** 字飛卿彦博裔孫工辭章與
御史大夫方山尉徐商鎮襄陽署巡官不得志去
及商執政欲白用商遽罷遂廢其弟廷皓為徐州
崔彥曾幕屬勸助之變使廷 **宋王溥** 字齊物漢乾
皓表求節度不從遂遇害 **宋王溥** 字齊物漢乾
甲科周祖辟從事多所規益歷官端明殿學士拜
中書侍郎平章事宣制畢周祖曰吾無憂矣世宗
將親征澤潞溥贊成之討秦鳳求帥于溥薦向拱
事克捷宋初進位司空太平興國初封祁國公卒
贈侍中 **明古鏞** 正統進士遷庶吉士歷官山東僉
諡文獻 **明古鏞** 事治河張秋遷本省按察使召補
大理卿鏞官東觀時有文名後涖泉司晉廷評多
所平反先是河決思且及京師鏞相其形勢而疏
鑿之俾就故道今 **閻睿** 字汝思登進士知永濟縣
其地立祠以祀焉 **閻睿** 值旱蝗令民力捕蝗發粟

山西通志 卷一 太原府祁縣

易之得不災既以公事至霸州州人願借以為守

縣人急往爭訟於中丞洪洪曰閣令風憲品豈郡

官浙江副使以疾告歸王佑亂自福建大帽山抵

縣境佑立木為柵驅市人激以忠義相與效

死寇破柵入猶橫刀巷戰被執不屈遂遇害

列女南梁王僧辨母魏氏魏徒行詣貞惠世子閣

自陳無訓誨涕泗嗚咽眾並矜之僧辨得免後僧

辨雖功蓋宇當魏恒自謙損及卒蓋貞敬太夫人

唐王珪母李氏所與者何如人一日房杜輩至氏

窺見既去謂珪曰二公皆公輔明生員孔俊妻武

氏正德間流賊縛俊連射六矢因脇氏氏大罵被

田氏趙文茂妻高氏王原妻郝氏張才玘戴宛女

妻范氏溫廷美妻郭氏俱以被掠不從死

秋姐年十八隨母遇寇寇殺母以都事王應璧妻

郝氏被寇掠迫之袁銀旦字一福之女年十六未

女詈叱不從母歸楊士隆妻孟氏流賊掠其家脇

訴其故即自縊

子俱被害罵賊死

國朝生員申燦妻溫氏姜瓌之變夫婦被執賊殺燦

仙釋宋諸仙禪師俗姓裴居幽仙寺一日午夢覺

眾皆笑師乃出麥穗袖中示之徽宗詔入朝賜號

諸仙設膳不食問之云聞本寺鐘聲方食少頃果

聞鐘聲上令取鐘鐘忽飛西

崖今名隆鐘崖踰百歲化去

太谷縣

分野屬參井

沿革周晉大夫陽處父邑戰國屬趙秦隸太原郡漢置陽邑縣晉屬太原國隋屬并州後更名太谷以縣西南有太谷故名唐武德中以太谷祁二縣置太州尋廢仍隸太原府宋仍之金置晉州以太谷隸焉元隸太原路明隸太原府

國朝因之

疆域東西廣一百三十里南北袤五十五里東至和順縣界一百十五里西至祁縣界十五里南至

祁縣界三十里北至徐溝縣界二十五里在府東南百二十里

城池城周十二里高三丈七尺六寸門四東曰賓

陽南曰麗正西曰登豐北曰眺燕池廣一丈

學校太谷縣學縣治東南學田二頃九十畝零社學在學門南額

入學十二名

田賦原額共地六千一百九十九頃九畝零共徵銀三萬二千五百四十七兩三錢六分六釐零共行差人三萬七千八百五十八丁共徵均徭銀

七千七百三兩五錢九分七釐零 額徵本色糧

二千三百一十二石一斗七升二合七勺 雜稅

等銀九百八十四兩零

關津馬陵關 縣東南七十里馬嶺上路通直隸順德府徑轉羊腸坡躋石磴唐初築城

自平城至魯口延 **回馬谷** 城東南三十里袁四百里三百里名長城 **回馬谷** 城東南三十里袁四百里三百里名長城

袁三敗宋軍於 **武村堡** 縣東北臨象谷水三面石回馬谷即此 **武村堡** 縣東北臨象谷水三面石

處 **范村鎮** 縣有南范村北范村 **范村鎮** 縣有南范村北范村

山川鳳凰山 縣南十里嶺勢似鳳秀巒抹靛為陽 **山川鳳凰山** 縣南十里嶺勢似鳳秀巒抹靛為陽

泉耐 **咸陽谷** 縣南十五里城壕記秦伐趙築 **咸陽谷** 縣南十五里城壕記秦伐趙築

縣東南十五里東崖石 **灰泉山** 縣東南二十里上壁有佛像各千佛崖 **灰泉山** 縣東南二十里上壁有佛像各千佛崖

有泉瀦為 **四卦谷** 縣東南二十五里谷 **四卦谷** 縣東南二十五里谷

十里嶺高松茂曉 **龍岡** 縣東北五里蛇蟻綿 **龍岡** 縣東北五里蛇蟻綿

日滂雲蔚然深秀 **城南河** 在城下源出 **耐泉** 縣東北五十二里谷 **耐泉** 縣東北五十二里谷

中有水即象谷 **龍泉** 在鳳凰山下味甘 **龍泉** 在鳳凰山下味甘

鳳山下味甘宜釀酒 **聖母池** 在鳳凰山下味甘 **聖母池** 在鳳凰山下味甘

可流 **蓮花池** **栲栳池** **聖母池** 在鳳凰山下味甘 **蓮花池** **栲栳池** **聖母池** 在鳳凰山下味甘

青羅紋荇藻紛 **奄谷河** 縣東南十里谷中有 **奄谷河** 縣東南十里谷中有

披鳧鷺唼蝶 **回馬** 縣東南十五里故縣治也內有九級浮 **回馬** 縣東南十五里故縣治也內有九級浮

古蹟陽邑縣 縣東十五里故縣治也內有九級浮 **古蹟陽邑縣** 縣東十五里故縣治也內有九級浮

後周建德四年徙今治開皇箕城縣東三十五里
 十八年改名太原陽洛漠城縣西北十五里周八里
 箕杜預註太原陽洛漠城縣西北十五里周八里
 邑今縣南有箕城洛漠城縣西北十五里周八里
 築土人又謂之蘿磨亭唐元宗幸太原嘗副并城
 置永豐頓立青城宮於此今名登豐村
 縣西南七里副青城宮在洛漠城唐明萬年頓縣
 井村側周二里泉頓晉陽記唐開元十年帝幸太
 北十里本名龍泉頓晉陽記唐開元十年帝幸太
 原名龍泉頓晉陽記唐開元十年帝幸太
 唐名萬年姓符國號名表天唐太谷令安廷堅美
 長乞改萬年姓符國號名表天唐太谷令安廷堅美
 政碑唐房琯妻高氏書也筆畫道麗不似婦人歐
 者高氏一
 人而已

祠廟陵墓三靈侯廟在趙襄子廟西狐大夫廟一在北街
 在白城

韓厥廟在四趙襄子廟在縣諸葛武侯廟餘南十
 陽谷口元至大中鄉人弓德福重修子唐太宗廟

仲禮補繪神像太原府教授程易撰記唐太宗廟

縣北五里李靖廟在東無佞侯廟在南叔虞祠

上善村

妬女祠縣西北十里龍泉鄉萬年頓相傳祀資福

寺縣東南今時所建明楊魔頭普慈寺縣西南舊

傳鳳凰元年建宋治平中重周龐涓墓相傳在縣

建改今額元佑五年重修

里馬陵關唐孝子劉明達墓縣北水秀

半山中

官蹟唐李殷為太谷令以德化下勸農桑弛鞭扑

年宋郭永元城人徽宗時知太谷太原帥皆重臣

每宴饗費千金取隸縣以給永曰取民

膏血資觴豆之費可乎竟不給縣有潭出雲歲旱
巫乘此譁民永杖巫暴日中雨立至建炎初宗澤
檄犄角大明張壽華陰人以舉人知太谷衣布袍
名殉城死明張壽飯脫粟而遇事剛毅不撓部使
過邑中供億甚非怒之既入其寢室

惟律一部公服一襲乃歎息而去崔三畏人嘉
靖間以進士知太谷民有犯先論以義理而後治
之未嘗任情盡法尤注意學校後徵於朝士民遮
道位張承惠易州人嘉靖間以舉人知太谷抑侵

留講說一時張子青萬歷間任太谷令時有
文行不變張子青何處春臺似太谷之謠

國朝買道醇蒲州人順治間以歲貢任太谷教諭姜
助教祀楊其籍順治間署太谷有循聲姜逆之亂

忠烈祠王自亮太谷典史姜逆之亂城陷繫獄以
忠烈祠贈濟源縣主簿祀忠烈祠

人物元武祺以儒進知桐城縣事發奸摘伏果斷
省參明韓唐萊蕪縣主簿流賊楊虎來攻城聲勢

拒戰力盡被害董綸官歸德府檢校賊師尚詔作
贈萊蕪知縣董綸官歸德府檢校賊師尚詔作

誅之已而賊夜斫門招外賊入綸率姪董魁戰於
衙巷妻賈亦執鎗以從俱被害贈歸德府同知

武維周由舉人知直隸大城縣以守武象乾邑諸
賊至手刃數人後父子四人俱遇害又生員觀

先及杜光輝趙讓李元芳同妻員氏俱不屈死
列女元甘肅參政武祺妻王氏寇掠其家氏罵不

首而明姬公輔妻常氏正德中為流賊所執欲汚
貴次女年十六侯化龍妻李氏闖賊之亂與子婦

亦以拒賊被害侯化龍妻李氏任氏姪婦王氏趙

太原府太谷

氏女五人及諸婢妾俱投井死又同邑李元芳妻
員氏庠生張孔教母孔氏趙乘龍妻杜氏生員吳
桂妻杜氏生員趙奇俊母馬氏闖寇陷城俱罵賊而死

國朝武舉牛一興妻杜氏

翁病夫客遊醫藥罔效氏
禱於天割股以進病旋愈

仙釋明楊魔頭

出家資福壽寺散髮蓬頭類風癡一
日侍晉恭王奕忽假寐既覺詰之

云在平陽看刈麥且得齋即出二麥穗四
纓首於袖中驗之平陽信然後莫知所終

徐溝縣

分野屬參井

沿革漢榆次縣之梗陽鄉金以前為清源縣地本
名徐溝鎮大定中東割平晉縣斷金鄉西割清源

縣梗陽鄉南割榆次縣西管鄉為縣隸太原府後

改隸晉州元隸冀寧路明隸太原府

國朝因之乾隆二十九年以清源縣併入徐溝

疆域東西廣六十八里南北袤三十一里東至榆

次縣界十三里西至交城縣界五十五里南至太

谷縣界十八里北至太原縣界十三里在府南八

十里

城池城周五里有奇高四丈餘厚一丈五尺門四

東曰懋勤東作南曰薰風解愠西曰碩望西成北

曰晉陽鎖鑰濠深九尺

學校徐溝縣學縣治學田一項二畝零清源鄉學清源舊縣

城額入學共二名

田賦原額共地六千六百七十九頃八十四畝零

共徵銀三萬九千六百九十六兩九錢一分三釐

零 共行差人二萬五千八百六十六丁共徵均

徭銀六千九十八兩四錢六分六釐零 額徵本

色糧二千六百五十六石五斗二升六合四勺

雜稅等銀九百九十九兩零

關津清源鄉在縣西舊為清源縣治有故城今併入徐溝鄉駐巡司并設訓導一員

長堤在縣北延袤七里明萬曆中以禦小同戈驛

山川金水河在縣境東十里沈崑記徐諸渠支分不一而金水河從大塔遠出城下數

十里安流如故峪峪河縣南八里縣太洞渦河縣北八里

泥小

古蹟梗陽城縣西北周六里左傳中行獻子見梗陽之巫臯又魏獻子以魏戊為梗陽

大夫綱目秦攻趙拔梗陽趙世家注晉陽縣南梗

陽城也括地志梗陽故城在并州清源南百二十

步析晉陽縣置屠賈村縣北相傳為陶唐城縣西

本漢榆次縣地屠賈村屠賈故里陶唐城縣西

里相傳陶唐氏自涿縣西北晉書永嘉元年

鹿徙居此今名堯城鵝城洛陽地陷有二鵝蒼者

山西志要 卷一
飛去白者止此劉曜
以為已瑞築城應之

祠廟陵墓碧霞元君廟在城東北**西母祠**在西里克祠

在仁山巔縣令**梗陽大夫祠**在南關梗陽街祀魏戊**聖壽寺**

儲方慶有詩
縣東南隅宋治平
間建前明增葺

國朝康熙二十九年重修**福興寺**縣西南高花村明景泰間建

輒曰某日某當**清泉寺**在中隱山元至正二十四年併

送至至期果驗**唐李淳風墓**舊在

仁山賈嚴永興寶梵四寺入焉**魏蠻王**

寺最幽勝所謂中隱環青也
同戈驛明嘉靖年間平地塌出小碑有改
葬白圭南之句遂移葬於白圭南墓猶存
墓縣南十七里後魏正平元年蠻王安來朝死葬於此因名曰青堆村

宦蹟唐崔衍安平人天寶末以明經知清源勸民

明宋橋濮州人嘉靖中以舉人知徐周詰汲縣舉

問任徐溝沉靜端**吳三省**洛陽人以舉人知徐溝

嚴陞平陽府同知廉幹有為嘗戮縣城為

萬年保障

國朝趙良璧奉天開原人康熙初知徐溝邑當孔道

寬猛**儲方慶**宜興人康熙中以進士知清源山水

並濟法以辦不徵民一錢明年春山水改道

而南去城十里喜曰數十年無水患矣

人物宋趙密字微叔清源人政和四年用材武試

江密露立水濱麾舟濟之從張俊出師屢立功遷

龍神衛都指揮使隆興二年進少保致仕卒贈少

太原府徐溝

山西志要 卷一

明郝鵬洪武中以貢授戶部檢校歷南京戶部尚書居常衣大布所居廳事即為諸生

時所處也言動不王福字崇善清源人成進士歷

苟當世推公輔器王福官順天府尹以幹濟稱值

內艱奪情復任力辭不獲在京北十餘年吳用極

彈治姦猾嘗自為贊當世會謂實錄焉吳用極

字心銘隨父任元城周業趙高邑南星舉鄉試崇

禎申酉間流寇夜至用極仗劍登陴血戰死詔以

義烈旗之

國朝張雪鳳字建閣八歲哭母淚盡繼以血事父及

卒苦塊體粥蘇曰祥未十歲母歿日夜哭事繼母

披髮終三年蘇曰祥如母父病衣不解帶二百日

父及繼母歿墓皆手築既葬並廬

墓三年邑人將聞諸官力辭之

列女明郭琛妻董氏年十七生子甫期琛清源庠

生成謨妻馬氏夫亡自縊家人救之甦徐曰我

志已決若等徒苦我也越月復

飲毒清源庠生劉祚隆妻王氏流賊逼城下氏

死國朝廩生閻士特妻馮氏夫亡瀕死者再子五歲姑

長卒投井死又同邑閻士宏妻劉氏夫故自縊李

呈錦妻任氏年十九夫亡守節子和梅以孝聞

交城縣

分野屬參

沿革漢晉陽縣之西境北齊於此置牧官隋分晉

陽置交城縣因古交城得名舊志以東北汾孔二

山西通志卷一 太原府交城

又徙唐明監嘉祐中復屬府元隸冀寧路明隸太原府

國朝因之

疆域東西廣一百八十里南北袤一百六十五里東至徐溝縣界二十里西至永寧州界一百六十里南至文水縣界十五里北至靜樂縣界一百五十里在府西南百二十里

城池城周五里有奇高四丈餘門四東曰永康南曰人和西曰搯秦北曰枕山池深廣各三丈

學校交城縣學縣治學田二十畝義學二所盧川書院

在南通濟書院在通濟橋一隅書院在城南卦山書院在卦山

龍岡額入學十二名

田賦原額共地三千六百七十頃四十四畝零共徵銀一萬七千六百七十二兩三錢二分一釐共行差人二萬二千五百八十四丁共徵均徭銀五千二百九十二兩二錢六釐零額徵本色糧二千五百七十八石七斗四升九合六勺雜稅等銀一千三百九十七兩零

關津故交村

縣東北九十里村有水泉寨高百餘丈險仄僅通一徑康熙中設巡司其

山若神師羊腸交山皆絕險而交

東葫蘆 西葫蘆

村當其奧左汾右孔二河夾之

蘆縣西北一百四十里與臨嵐永寧界其山若孝文呂梁劉王崢皆絕險而東西兩葫蘆承其衝

趙吉士議交城營移汛靖安古堡乘高列哨則東西兩葫蘆可控制也

交河橋

在古交村

山川穀積山

縣東北二十里卦山縣西北五里武攀龍修石路記太極一峰而下

兩山迥合岡阜層列八卦爻皆具

石壁山 縣西北二十里疊

山 縣西北五十里連峯似鞍邑鎮山也上有

在馬鞍山後 采屏山 縣西北百五十里懸崖如削有文谷水 五色繽紛土人不知其名

國朝康熙初知縣趙吉士得斷碑於

澗中上有采屏二字因以名山 劉王崢山 縣北

八十里昔劉淵都 交城山 縣北百里交城故縣

阿蘇山 在大阿蘇山南有石穴相 月波湖 城東南

里一名磁窑河 縣東北五里即塔莎 瓦窑河 縣西

却月湖 磁窑河 水下流也南流入汾

里即步渾 步渾水 在縣西北源出馬鞍山前步渾

水下流也 文谷水 在縣西北源出馬鞍山後流入汾

古蹟大陵城 縣西南十里前隸文水今隸交城史

王遊大陵夢處 古交城 縣東北九十 馬蘭城 縣北

女鼓瑟而歌 大通鐵冶 縣西北八十里西冶村 武

里孔河之下 即今馬蘭村 大通鐵冶 縣西北八十里西冶村 武

即今馬蘭村 大通鐵冶 縣西北八十里西冶村 武

大原府交城

大原府交城

山西通志

卷一

一

唐高氏鐵彌勒

威公舊莊

商威公王茂元也唐李商隱有過舊莊感事詩

唐高氏鐵彌勒

像頌碑

朱歐陽公云予入晉中搨得高氏碑二通宛然二王書法

趙襄子墓碑

祠廟陵墓寶舜華廟

舞陽侯廟

縣西北五里魏

孝文廟

縣西北曲里村相傳魏孝文會避暑萬根谷

野坊廟

縣東南十里地名辛

北遇蝗蝻禱輒止明正德五年重修韓祐撰記

狐大夫祠

在北離相寺

東南隅宋大觀元年建明嘉靖間鑄鐵佛有塔

永寧寺

縣西北二十里石壁山元魏建名石

壁元中寺開元二十六年僧普公鑄鐵彌勒像林

謬作頌房璘妻高氏書碑書家尤寶之所謂香簌

大令也貞元間名石壁永寧寺宋龍潭禪師居寺

夜誦華嚴經有鳩鵲常集左右一日皆墜地死而

縣北榮氏孿生二子啼不止師摩其頂泣止長從

師棲北溝西岫下龍堂凡四十年皆坐化世稱鳩

鵲二周王交墓得古墓有鼎十餘鐘磬各數十考

一統志府志通志僉曰王狐突墓縣西北馬鞍山

交墓不知何據今始存疑宋宣和五年封

利應侯子毛偃胥耐唐監軍張承業墓縣西南十

村元冀國公郝天挺墓縣北

宦蹟金楊邦基字德懋華陰人熙宗時知交城太

輸金邦基獨不與承德廉察官吏尹與元潭澄字

九縣令皆免去邦基以廉為河東第一

清懷來人父資榮金末知交城澄以年幼襲職汾

陽郭帥堰文谷水專其利澄折以理得均利於民

時籍民戶征賦而非土著者多逃亡澄入覲備陳

其害太宗惻然免之復大籍民盡削不土著者賦

以時明周璧歷城人萬曆間以舉人知交城裁冗集費墾荒田開河渠繕城堡尤加意學者時賑給之

國朝周邦翰

順治間任布政司都事交城缺令時以亡安撫黎庶適賊有內應邦翰拔佩刀擊之刀未出室為左右所害贈都司經歷祀忠烈祠鄭

運昌

城以守內應起遂遇害贈山陽縣主簿祀忠烈祠趙吉士字天羽休寧人康熙初以舉人知交

祠置酒張樂為讌會密議司夜者於子刻打五鼓送客出郭勅守備姚順等統兵疾進獲渠魁二十二

人召山民不作賊者資以羊酒旬有六日山寇悉平

人物唐張承業

字繼元唐僖宗宦者昭宗奔太原以為河東監軍晉王病革以莊宗

屬承業莊宗深委任之天祐十八年諸將請即大

位莊宗許之承業扶病切諫曰王誠能滅梁以復

讐求唐後而立之唐之子孫孰敢當之使唐無子

孫誰可與王爭者莊宗不聽承業仰天大哭歸太

原不食元張德輝字耀卿史天澤辟經官世祖

而今其性安在對曰聖人與天地終始無往不在殿

下能行聖人之道性即是在是矣凡所對皆關軍國

至計及即位命宣撫河東考績為十路最入見疏

急務以老乞歸德輝剛直博學有惠政進參議中書

省與元裕李治游封龍山時人號為龍山三老

明魏恭由舉人歷任河南新安知縣有訟者屢歲

能以德化民耳他盜解一貫字曾唯正德進士嘉

聞之皆改行為善事平諫諍有聲張璵桂萼擊費宏一貫言璵

事平諫諍有聲張璵桂萼擊費宏一貫言璵

事平諫諍有聲張璵桂萼擊費宏一貫言璵

事平諫諍有聲張璵桂萼擊費宏一貫言璵

事平諫諍有聲張璵桂萼擊費宏一貫言璵

太原府交城

國朝常大忠

字二河順治壬辰進士補潛山知縣清丈田畝俾里役無贏縮建書院買學田

擢保定府同知郡有楊忠愍祠朔望必往拜建忠烈祠祀甲申盡節諸臣卒於官櫬不能歸衆賻之

乃獲

啟行

列女明聶三妻曹氏

天啟初山賊嘯掠氏被執欲汚之給以他辭得間自經死

國朝李珮妻孫氏李環妻曹氏

西山盜起姘姪戒弗辱賊至並投井賊出

之大罵復躍而入賊

李玉姐

李發之女幼字闕環奇出遊不返女及笄

怒壓以大石而去

不肯改適自縊死

物產馬

絨毛

文水縣

分野屬參井

沿革周春秋時晉平陵邑戰國趙肅侯游大陵即

此漢隸太原郡晉隸太原國北魏置受陽縣有大

陵城隋始改為文水以文谷水得名唐隸汾州後

仍屬太原天授中名武興神龍初復舊名宋金仍

之元隸冀寧路明隸太原府

國朝因之

疆域東西廣一百二十五里南北袤七十五里東

至祁縣界四十五里西至永寧州界八十里南至

平遙縣界五十里北至交城縣界二十五里在府西南百六十里

城池城周九里有奇高四丈五尺厚二丈五尺重門四東曰瞻泰表曰朝陽南曰迎薰表曰帶汾西曰靖陸表曰環岫北曰望恒表曰拱辰濠濶四丈深三丈

學校文水縣學縣治東學田八十畝社學四所額入學十二名

田賦原額共地八千三十八頃三畝零共徵銀五

萬三千三百六十兩九錢七分九釐 共行差人三萬六千一百二丁共徵均徭銀八千七百九十五兩六錢四分四釐 額徵本色糧三千一百五十一石七斗五升八合一勺 雜稅等銀八百九十兩零

關津馬西寨在縣西隱泉山上因山開柵堡在縣十里開柵鎮周四里據文峪口兩峯相去丈餘今為文峪河嘴毀僅存其半

山川隱堂山縣西南二十五里名子夏山又名商瀉落似匹石門在隱堂山西兩壁似雙陶山在縣練名隱泉關澗水下注噴薄飛騰

十里羣巖競秀或曰唐帝嘗憇此

雙峯山 卽陶山之分支也兩峯壁立千仞土人名大嶺

旋頭山 夾坡古栢透迤而入爲石峽黃龍洞

幽邃禱應**熊耳山** 在縣西北三十里形汾河縣東五

雨輒應南流入縣境河道似熊耳一名崇山

交城南流左迤爲鄆澤

屢徙於縣七年青高村至尹家社開引渠二道東城

國朝雍正七年支廣十丈至數十丈有差表二十有

村河自關一支廣十丈至數十丈有差表二十有

五**泌水** 出禱雨多應亦謂之神福泉

里源出永寧州孝文山一出交城縣

西山一出縣土安都泊泊河匯入汾

古蹟平陶城 漢平陶縣城也隸太原郡後魏改名

平遙徙治京陵

在今汾州界

柵城 魏宣武時築

大干城 縣南

圖經云劉淵築淵兄延年居

之時人謂兄爲阿干故名

子夏室 商山有唐洞

夏攀龍臺 荆州都督武士護墓也武后追封周高

室攀龍臺 荆州都督武士護墓也武后追封周高

娘故石峽藏書 城西二十里石峽山洞中舊藏

唐泌水碑 城北五里龍泉村虞世

祠廟陵墓唐堯廟 在平陶村舊傳堯

子夏廟 縣南五里樂村明正德年重修記云樂村

民祀以鄉社禮儀漢趙簡子廟 在縣南街

永平中封河東公祀軒轅如西陵氏內古

聖母廟 在開柵鎮祀軒轅如西陵氏內古

二郎廟 在南仁都相傳宋千戶閻萬因於邊

廟 在南仁都相傳宋千戶閻萬因於邊

廟 在南仁都相傳宋千戶閻萬因於邊

廟 在南仁都相傳宋千戶閻萬因於邊

太原府文水

壘

後萬感神既屢修廟祀搜神記神姓趙名昱隋煬
 帝時為嘉州守斬蛟除害蜀人立祠灌口唐太宗
 封為勇將軍明皇加赤城王
 宋真宗錫號清源妙道真君
九江聖母廟 在河麻
衣仙姑廟 縣東北桑村姑任姓曾聘魏氏遁居汾
 麻衣走入洞因名麻衣仙洞
 有姑手痕屢著靈應因立廟
文谷神祠 在文谷
 龍堂 **河東公祠** 明教寺 縣西北隅唐貞觀十二
 年建明洪武間置僧會
司洪勝寺 縣西北三十里熊耳山土人呼熊耳寺
 仙植元時焚復生明晉藩鑿取之旋取旋生一說
 寺僧惡尋芳客以湯沃死一日見紅衣婦入寺覓
 之無踪花 復生云
隋孝子韓子誕墓 縣南十里
國朝湖廣總督胡勤毅全才墓 縣北七里
 西山麓

宦蹟唐戴謙 為文水令開元二年於縣東北鑿甘
 泉蕩沙靈長千畝等渠俱引文水
 溉田數 **明張羽** 武功人洪武中以舉人知文水建
 干頃 **治文養浩** 耀州人以舉人知文水嚴革私科積穀
 之 **武清周** 華州舉人崇禎間知文水性剛正胥吏懾
 服值內璫過邑清周務持大體未嘗少屈
趙希壯 崇禎間任文水典史慷慨負氣雖微官不
 賊遇戰 沒於陣
國朝曹之賢 遼東人順治初知文水少精敏善剖決
 吏民畏服姜瓖黨率兵攻城城陷不屈
 死而

人物漢衛綰 代大陵人事文帝為中郎將醇謹無
 他孝景立拜河間王太傅將兵擊吳

楚厚有功相少主尊寵之建元中薨諡曰哀為隋韓
 敦厚親沒負土築墳居喪盡禮詔郭世雋居七世同
 子誕旌其孝及卒視其骨皆毀郭世雋居犬豕
 同乳烏雀同巢時人以爲義感之應唐武攸緒后
 文帝遣平昌公宇文弼勞問旌其門唐武攸緒后
 時封安平郡王固辭官盤桓龍門少室間冬蔽茅
 椒夏居石室市田穎陽與家僮雜作晚年肌肉銷
 膏瞳有紫光屢以安車召至賜子無所受親貴來
 謁道寒溫外默無言旋即還山朱子綱目特書深
 賢其李愷京留守封常清募兵東京愷與留臺御
 史中丞盧奕河南尹達奚珣繕城壘勵士卒以過
 賊祿山薄城下常清戰不勝愷謂奕曰吾曹荷國
 重寄當死官愷坐留守奕守臺城陷皆李源愷
 被害贈司徒諡忠懿河洛平再贈太尉李源愷
 八歲家覆被俘史朝義敗有故吏贖出之以父死
 賊手常悲憤不仕不娶絕酒葷惠林佛祠爲愷舊

聖祠殿其先寢也源依祠居每過必趨長慶初年
 八十矣以李德裕薦詔源守諫議大夫遣官敦諭
 上道源附表武聖字平一博學通春秋武后時隱
 固謝尋卒武聖字平一博學通春秋武后時隱
 兼修文館直學士自請抑母黨初崔日用自謂明
 左氏他日學士大集與平一互相論難平一條舉
 始末無留語武元衡字伯蒼舉進士歷官中丞常
 一坐驚服武元衡對延英上日送之曰是真宰
 相器順宗初忤王叔文改右庶子憲宗立累官門
 下平章事兼判戶部詔以本官爲劍南西川節度
 使封臨淮郡公八年召還秉政淮蔡用兵上悉以
 機政委之未幾入朝出靖安里第夜漏未盡賊射
 元衡中肩復擊其左股遂被害武儒衡元衡從弟
 上罷朝哀勸贈司徒諡曰忠愍武儒衡也元衡歿
 帝待之厚累遷諫議大夫俄兼知制誥疏宰相皇
 甫鏞剝下狀元禎倚宦官知制誥會食瓜蠅集其
 上儒衡揮扇曰適從何來遽集於此一坐李景讓
 皆失色儒衡意氣自若遷兵部侍郎卒

字後已澄孫也為右拾遺淮南節度使王播求領
鹽鐵景讓極論其不可擢御史大夫劾免侍御史
孫玉汝監察御史盧侑拜西川節度以病致仕還
東都卒景讓事母鄭孝雖老猶被箠已起欣欣
如初蔣仲嘗宴客酌酒語曰有孝於家忠於國者
飲此景讓起卒爵性清素寡欲居東都樂和里門
無雜賓元和後大臣有德宋邢鑑字叔明少有經
望者咸推樂和李公云詞賦取士鑑潛心經術不
復以仕進為意嘗與歐陽修范仲淹石介為知交
明張璣成化舉人知洛南縣廉恕公勤愛民如子
聲名甲白祥父賈令長山以事連坐當死祥願代
於關西鄭宗周字伯忱以進士為監察御史列首
俱免天下鄭宗周輔方從哲奸狀光廟崩疏請正李
可灼崔文昇妄投藥劑之罪出按福建廉墨吏悉
寘於法巡撫天津以內艱歸終制不復出宗周貌

國朝胡全才

字體舜前明進士以兵部主事贊畫李
建泰軍至正定率所部樹疑幟於固關

寇不
敢入

清癯若不勝衣遇事可否挺
持不少屈當世推其忠鯁

封疆多故遺妻武氏歸答曰夫死忠妻死
節分也十五年殉難武氏亦從之贈僉事

國朝授兵部郎中遷陝西參議道賀珍之亂堅守月
餘城以獲全擢都御史巡撫寧夏瀕行猶親勸齋

麥山砦賊孫守法高勛等再平寧夏賊馬德李彩
歷官兵部右侍郎總督湖廣卒於官贈兵部尚

書諭
勤毅

列女唐李景讓母鄭氏

早寡家貧治牆得積錢母
亟使揜之景讓觀察浙西

嘗杖殺牙將軍謀變母庭責之曰爾鎮撫方面用
刑不當豈特上負天子亦使百歲母銜羞泉下何

面日見先大夫平將鞭其明郭澤妻索氏夫故觸背將吏泣請迺罷軍遂定復撫遺孫守節五十五年卒

國朝舉人郭超宗妻文氏賊至恐被辱投井死

物產蒲桃

崑嵐州

分野屬昴畢

沿革秦太原郡地北魏置崑嵐鎮又置軍北齊為蘇孤戍隋志崑嵐軍在宜芳縣北界唐析宜芳於崑嵐舊軍置嵐谷縣隸嵐州五代後唐為安元城

宋建崑嵐軍仍置嵐谷縣咸平中併樓煩縣入嵐州金隸河東北路後升防禦節鎮元隸冀寧路明洪武中設崑嵐縣後改州隸太原府

國朝因之

疆域東西廣一百二十里南北袤九十里東至五寨縣界三十里西至保德州界九十里南至嵐縣界五十里北至五寨縣界六十里在府西北三百二十里

城池城周六里有奇高三丈八尺門四東曰宣陽

南曰文明西曰豐城北曰戢寧池廣五丈深二丈

學校岢嵐州學州治西南學田額入學名八

田賦原額共地一千九百六十九頃八十七畝零

共徵銀三千一百九十七兩八錢四分三釐零

共行差人二千九百五丁共徵均徭銀三千一十

一兩一錢六分一釐 額徵本色糧三千四十八

石三斗一升八合四勺 雜稅等銀一百三十八

兩零

關津天潤堡隘俗名暗門子在城北五里洪谷堡

隘州南四十里唐書乾符五年崔承寧驛

山川乏馬嶺州東五十里雪山在嵐谷東北四十

暑猶樓餘雪寺溝會州南三十里石壁峭拔清泉

下有萬年冰繞上有白勝菴寺趾大如

掌有臺有洞東南松干霸王山州西北岢嵐山在

北百里山之陽名管涔山有七峯土人胥名南山

山之陰名蘆芽山懸崖陡澗一綫羊腸山有十一

峯土人胥漪水發源州東南乏馬沙河在城北五

名北山嶺一名嵐漪河在甘合東

漪龍王堂河州東北二里北山下水甘合東

古蹟長城城北五十里俗名長城梁舊志蒙恬築

隋開皇元年贊蘇孤戍州東三十里北齊嵐谷故

皇縣丁夫築今各三角村

太原府嵐

山西通志

城州西五里唐析宜芳於尙嵐舊軍置新州城州

五里天御筆手詔宋徽宗時有瑞鶴之應頒詔

詔今洪福寺前西壁有碑文漫漶不可讀

祠廟陵墓晏公廟在南薰街北玉皇廟在城東

寺東三義祠在城雲際寺在天聖年建神霄玉

清觀製并書碑刻俱存宋武安軍節度使折克

行墓州西北三折家祠

宦蹟晉王陟劉琨約拒寇陟曰公不負朝廷陟敢

負公哉協力守隋隋模京兆人仁壽初為嵐州司

禦卒賴保全

蔡將赴之模曰漢王圖不軌公荷國厚恩但宋劉

當竭誠效命鍾葵怒囚之於獄諒平拜開府

迺政和初知尙嵐舍時以為德政所感明施文學武

間知尙嵐遺黎陳鑑臨清人成化初以舉人知尙

僅存撫綏有法陳鑑嵐政三載盜賊潛踪歲旱

省刑減從禱於城隍以鐵索繫頸馮友長安人嘉

暴日中頃之大雨任內嘉穀叢生馮友靖間以舉

人知尙嵐躬歷田間為言慈孝使知敦行誼成張

禮俗尋調忻州中丞上其治行擢保定同知

稽古蒲城人嘉靖間以舉人知尙嵐不畏強禦嘗

獄死後歷本王下賢鳳翔人隆慶間以舉人知尙

省按察司倉卒悉備比援兵至

陰設守禦具倉卒悉備比援兵至

約束將卒不得入民舍民咸賴之

人物金王中立字湯臣博學強識有文名年四十

喪妻不更娶亦不就舉齋居如衲

僧趙秉文知平定往謁之中立賦詩相贈晚年易名雲鶴自號擬栩李之純嘗共商畧前代人物歎為辨博中第一流人臨明李順生時止一血胞以終預知期如言而逝

日此連胞生多貴剖之果得男宣德壬子舉王鼎人清節自勵官至貴州參議未嘗增益田產

官永城知縣受事時流賊趙燧等已入豫中知不免城東白洋河孔道也勅舟子往來者勿渡數日有持牒者驅十許人皆桎梏曰是所獲鄉導賊來寄永城獄舟子信之甫渡即脫桎梏奪舟集黨至城下鼎登陴以守會日暮主簿曲啓遁賊邱陞嘉破城入鼎力戰被執死之贈光祿寺丞

間以遊擊禦倭寇屢戰皆捷擢揚州參將凱還過叢林遺孽數十人猝出邀其歸路陞徑前薄之賊驚潰陞亦中流矢

李聯芳大同參將初開馬市

府總兵歿於陣

列女宋王稟妻孟氏稟為太原總管靖康末太原為亦投

明生員張大紀妻徐氏安武氏嘉靖間避水死

掠大紀墜崖死徐氏繼之武氏擲切兒崖下給兵下馬拉之亦墜死

武勛聘妻王烈年十七未婚寇亂被獲詈罵不從賊怒砍之裂其屍

康宏業妻葛氏六年十宏業越三載宏業病不起頻目葛氏曰豈慮我有他志耶泣而斷髮夫卒畢葬事投繯死之

國朝郭命宏妻李氏被殺建坊

寓賢後唐劉贊魏州人力學舉進士明宗時為秦則杜門不交人事秦王敗論

坐長流嵐州後詔歸田里

物產青眉鳥麝香

嵐縣

分野屬昴畢

沿革漢宜芳有古秀容城為汾陽縣屬太原郡北魏為北秀容地爾朱兆北保秀容齊獻武襲之即此隋為樓煩郡嵐城縣唐改宜芳縣隸東會州五代後周時嵐州屬北漢宋建岢嵐軍宜芳縣隸焉金名嵐州隸河東北路元隸太原路明改為縣隸太原府岢嵐州國朝直隸太原府

疆域東西廣一百十里南北袤一百四十里東至靜樂縣界三十里西至興縣界八十里南至永寧州界八十里北至岢嵐州界六十里在府西北二百六十里

城池城周四里高四丈厚二丈七尺東南北三門東曰迎曦南曰永康北曰保安濠深廣各二丈學校嵐縣學縣治東南學田八十畝社學一所額入學十二名田賦原額共地二千八百七十二頃一十畝零共徵銀一萬二千二百二十二兩三錢九分三釐

共行差人四千一百七十丁共徵均徭銀一千三百一十四兩九錢九分八釐 額徵本色糧六百八十九石四斗六升六合七勺 雜稅等銀二百七十一兩零

關津乏馬嶺寨 縣北六十里城周三里又有天村寨在縣北二十五里明初俱調鎮

西衛官兵守之後罷

山川桃尖山 縣東南六十里 銅鼓山 縣南五十里山峯黛色如銅履之有聲

赤堅嶺 縣南九十里嶺下有 黃嶮山 縣西南二十里

山白龍山 縣西南五十里明英宗在塞外有老人送飯問之曰嵐縣白龍神也後封靈潤

侯賜大萬山 縣西南六十里 二郎山 縣北二十里 綠水

河 東門外一里發源雙松 大賢河 源出縣南四十里柳峪村合昭

濟祠泉經嵐水 發源赤堅嶺下東 蔚汾水 源出尖

樓煩入汾

古蹟秀容城 縣西三十里即漢汾陽北魏封爾朱

為南秀容朔平 樓煩故郡 隋志大業 宜芳故縣 今

府界為北秀容 飛鷲堡 縣西北六十里 飲馬池 縣

里唐志宜 六十里黑嶮山中相傳尉遲敬德夢神語子無良

馬何不渥洼池中取之異日往過見一馬飲池疾

躍乘銅洞 縣北十里銅爛溝

祠廟陵墓風伯廟在縣東南有風后山大萬山神廟在大萬山元至

正年靈淵侯神廟縣南六十里折御卿廟宋禮志云折御

卿於嵐州以功業建廟龐聖母廟縣西南七十里馬蹄泉昭濟聖母祠

縣南四十里劉庄龍宮寺縣西北金明昌中建天慶觀縣南

門外宋大中祥符年明洪武初置道會司建

國朝康熙四十八年重修神霄玉清宮縣北門外唐時趙龜頭營飛昇於此元魏

皇姑墓在縣東南風后山爾朱氏女也

宦蹟明杜斌洪武初知嵐縣以廉能著績民傳頌之趙夢麟廣平進士由主

事謫任嵐縣杜兼井清隱漏百務修舉張崇德咸陽人嘉靖間以貢知嵐縣政教修明嘗

遇邊警躬督吏民禦之

人物宋丁僖天聖朝進士任樞密使持躬清慎武備既舉治化亦彰明邸憲

章力農好施與敦孝弟父疾步禱恒嶽不解衣者旬月母疾籲天求代尋愈後居母喪哀毀盡禮

邸鳳軒邑有警鳳軒率家眾里民禦之奏奇績上聞拔之太學後在山東蒙陰縣戢盜安民

黎庶感戴

列女明李祿妻温氏年二十祿亡無舅姑子女焚獨一身妻涼守志年七十而卒又同邑李孟和妻尹氏郭登高妻袁氏庠生郭

登科妻張氏范浩妻劉氏俱早寡事孀姑撫幼子以貞節終

國朝邸廷煒妻牛氏武維英妻馮氏俱年二十五夫亡奉姑撫子間

里咸稱
賢節

仙釋唐趙龜頤

開元間為紫極宮道童不茹葷酒
惟喜靜坐一日庭有大鳥去復來

依戀於頤膝下乃悟為
鶴乘之遂飛集松頂

興縣

分野屬崑崙

沿革漢汾陽縣地晉隸新興郡北齊置蔚汾縣隸

樓煩郡後魏隸神武郡隋改臨泉仍隸樓煩郡唐

隸嵐州名臨津後改隸東會州貞觀中更名合河

宋仍之隸嵐州金升興州隸太原路元隸冀寧路

明為興縣隸太原府岢嵐州

國朝直隸太原府雍正三年隸保德州八年仍隸太

原府

疆域東西廣一百十里南北袤一百五十里東至

嵐縣界六十里西至陝西神木縣界五十里南至

臨縣界九十里北至保德州界七十里在府西北

四百十里

城池城周二里有奇高四丈厚三丈門四東曰召

和南曰文明西曰阜安北曰利澤濠深八尺

學校興縣學縣東社學縣治額入學十二名

田賦原額共地一千四百七十二頃五十二畝零

共徵銀八千三百三十八兩九錢二分五釐 共

行差人六千二百二十四丁共徵均徭銀四千四

百五十二兩五錢二分 額徵本色糧二百五十

石 雜稅等銀二百三十四兩零

關津合河關在縣北唐志合河北有合河關東有

五十里設孟家峪縣西南五十里黃河上下亘一百

山川桃花山縣東二十五里有仙洞入其中時寬

南入曰仙人澗水廣可二丈有獨木橋合查山縣

無敢渡者其旁洞不可勝計人莫能窮

徑透山背望之通明山下有龍池禱雨輒應石

樓山縣東北五十里萬山中一峯採林山縣西南

林巒高峻下紫荆山縣西南九十里一名紫金山

不浩旻山縣西南百二十里三面懸崖陡絕數百

峩峩山縣署北有三峯中峯通惠泉縣東三百四

高阜沸出三穴味甚甘繇城北引入城半出黃河

西門半出南門西流合蔚汾水一名通惠泉

縣西五十里自保德州入縣南川水發源合查山

南達臨縣河西岸為陝西界

家川口合蔚黑龍泉在石堠山石巖下兩泉盈而

汾水入黃河不溢左為人泉可飲右為神

泉飲之多腹痛

古蹟蔚汾故縣 隋志後齊置蔚汾縣大業四年改名臨泉 **合河故縣** 西

北六十里唐貞觀中置以蔚 **太和故縣** 唐志隸北

汾二水西與黃河合故名 **高王寨** 縣東三十里大寨

中改入合河貞觀三年復置八年復改 **祠廟陵墓孤突廟** 縣東南七十里崔家原 **崇應侯**

廟縣南百五十里紫金 **崔府君廟** 在東 **廣應王神**

祠在南合嶧山上有龍池舊建合溪龍王 **水神殿**

即通惠泉源 **慶安寺** 建明洪武間置僧會司

棲霞觀 縣東北土山巔金明昌間建觀右有通惠泉凡三穴水出神祠座下尤甘冽注庭內

井達於井外兩龍口一注一洩潛流至水門引入城大旱不涸闔邑賴焉

國朝提督贈少保張旺墓 在康寧庄常升原錢以壇誌銘

宦蹟元齊元彝 樂城人至正間知興州撫字 **明楊**

光澤 山東沂水人宏治間以舉人知興縣存 **馬圖**

林縣人知興縣民素頑悍公賦屢年不輸前官多被訟去圖至歎曰豈惟民之過哉蓋由刑罰不中民視官如仇讐耳當以公平處之居六年百姓化其政前所負租悉為補輸

國朝李昌沐 豐潤人順治初知興縣剛方有守

人物金劉海 舉進士第一任至河 **元劉濬** 字濟川

海曾孫為連江縣寧善鄉巡檢至正時江西賊王善寇閩濬募壯士命仲子健將之賊陷福州濬與

戰於中麻斬其前鋒旋以中箭墮馬與子健俱被獲濬戰手大罵被害健脫歸結死士入賊中夜半

發火大謀手斬殺父者張破四并擒善及寇首陳伯祥來獻磔之贈濬福建行省檢校官授健古田

縣尹官立明尹同臯字舜鄰萬歷進士歷兵工刑祠祀濬

餘上巡撫四川削平奢崇明郭安有孝行任陝西之亂加兵部右侍郎致仕歸

墓六年有白胡玉琴氏生玉琴甄病卒兄弟並廬鶴旋繞之異

墓父喪玉琴復廬孫守訓年五十無子買妾太原墓哀思竟死墓側

官帑八百兩以女售人守訓傾囊償之不告姓名而去後舉三子

國朝孫世蓋

字丹臺工文而勇順治初由教職擢知蓋乃陰厚千總孟暨驚捷胥吏而佯為恇怯約漢

七面計事及期漢七偕其黨吳暨兵校至飲酒極

歡世蓋攜漢七手入園猝捧之仆地吳拔刀千總

孟亦自後捧仆之縛二賊乃召驚捷胥吏擒縛漢

七親隨兵校明日率鄉勇擣張旺字月宇少能挽

巢則空矣事平力請歸卒張旺十五石弓束髮

從軍由把總歷官廣西提督每甄于廷兄懷廷暨

戰先登陷陣所向披靡卒於官甄于廷孫奕燿與

邑豪趙姓隙順治九年趙率黨數百人猝至鄉人

閉堡門以守懷廷曰奈何以一人害數百家請就

縛奕燿亦無難色趙殺奕燿懷廷將下于廷力挽

曰兄宗子且無嗣不可死弟當代兄懷廷不肯兩

人爭久之不得已縛于廷下趙問故于廷言狀趙感動投刃徑去

列女明李氏李君璵之姑適呂某君璵蕩產幾盡

改行付之不改則與甥姑受而藏於近村樹下數

年君璵益落魄始數賙而激之頗愧悔姑乃發金

相付君璵感泣獻其半姑不受君璵妻賀氏十年

璵持歸自厲復致富姑死為成服王鸞妻賀氏十年

九夫卒自縊又同邑吳良能妻陳生員劉文妻樊氏年二十三夫亡亦潛縊於柩側

氏被流寇所掠義不受辱墜崖死

國朝白迎祥妻王氏迎祥隨陝鎮征茅籠山沒氏年二十八姑老子勿氏力作以資

事育年七孫士熊妻王氏夫亡子甫二歲家人欲十有一卒

而生不若從夫而死喬之珩妻康氏年二十一夫卒不能移年六十終

亦卒翁患癱姑失明氏奉康氏舉人康體元女少養唯謹翁姑沒子身守志

麒將婚而士麒癩玃議解盟氏聞矢死不移乃歸劉善事舅姑調護士麒衣食備至歷四十年士麒以癩死撫從姪承曾繼翁祀邑合旌其門

山西志輯要卷一

Handwritten text and a red seal impression in the bottom left corner of the left page.

A large rectangular area on the right page containing faint, ghostly text, likely bleed-through from the reverse side of the leaf.

Vertical text along the right edge of the right page, possibly a page number or marginal note.

